

حریرہ عدلیہ

دوبئی سنہ

۲۸ ذی القعدہ ۱۳۳۲ ۵ تشرین اول ۱۳۳۰

نومرو ۱۱۷

بازار

قائمہ سنی

نوبہرات عدلیہ

جسر ارکنہ قضاسی بدایت محکمہ سی حاکمکنہ محکمہ مذکورہ حاکم معاونی احمد یحان و مصطفی پاشا
قضاسی بدایت محکمہ سی حاکمکنہ محکمہ مذکورہ حاکم معاونی عبدالحفیظ ولالا پاشا قضاسی بدایت محکمہ سی
حاکمکنہ محکمہ مذکورہ حاکم معاونی بکر صدق و آجہ آباد قضاسی بدایت محکمہ سی حاکمکنہ محکمہ مذکورہ
حاکم معاونی حامد افندیلر تعیین اولتمشدر .
بو ارادہ سنیہ نک اجراسنہ عدلیہ ناظری مأمورد در .

۵ ذی القعدہ ۱۳۳۲ ۱۳ ایلول ۱۳۳۰

محمد رشاد

صدراعظم

عدلیہ ناظری

محمد سعید

ابراہیم

*

*

کوشخانہ سنجاغی بدایت محکمہ سی مدعی عمومیلکنہ سیملی قضاسی بدایت محکمہ سی مدعی عمومیتی
سلیمان عادل وارییل قضاسی بدایت محکمہ سی ریاستہ خراسان قضاسی لوا بدایت محکمہ سی اعضاسندن محمود

حمادی و خراسان قضایی لوا بدایت محکمه سی اعضا لگنه بصره ولایتی استیناف محکمه سی اعضا ملازمی لطفی وبصره ولایتی استیناف محکمه سی اعضا ملازم کلرینه بغداد ولایتی مرکز قضایی صلح محکمه سی ایکنجی کاتبی بغداد مکتب حقوقی علی الاعلی درجه مأذون نردن ابراهیم و خراسان قضایی ملنی قضا بدایت محکمه سی اعضا لگنه آچقده قالان مکتب مذکور علی درجه مأذون نردن محمد عارف و کسکین قضایی بدایت محکمه سی ریاسته خویه قضایی بدایت محکمه سی رئیس خالد و خویه قضایی بدایت محکمه سی ریاسته طربزون ولایتی مرکز بدایت محکمه سی اعضا سندن شمعی و طربزون ولایتی مرکز بدایت محکمه سی اعضا لگنه قصبه قضایی بدایت محکمه سی رئیس سابق توفیق و طولول قضایی بدایت محکمه سی مدعی عمومیلکنه ایزمیت سنجانی بدایت محکمه سی اعضا سندن جذبی و ایزمیت سنجانی بدایت محکمه سی اعضا لگنه کیوه قضایی بدایت محکمه سی رئیس محمد منیر و کیوه قضایی بدایت محکمه سی ریاسته قره مرسل قضایی بدایت محکمه سی مدعی عمومیس شمس الدین و قره مرسل قضایی بدایت محکمه سی مدعی عمومیلکنه میلاس قضایی بدایت محکمه سی مدعی عمومیس نجم الدین و میلاس قضایی بدایت محکمه سی مدعی عمومیلکنه در سعادت مکتب حقوقندن علی درجه مأذون محکمه تمیز استعدا دائره سی دردنجی صنف کتبه سندن صلاح الدین و قره مرسل قضایی بدایت محکمه سی ریاسته طلبه بناء برهانیه قضایی بدایت محکمه سی رئیس نظمی و برهانیه قضایی بدایت محکمه سی ریاسته کذلک طلبه بناء دوهو قضایی بدایت محکمه سی رئیس تحسین و دوهو قضایی بدایت محکمه سی ریاسته کذا طلبه بناء پتورکه قضایی بدایت محکمه سی رئیس حسین فوزی و پتورکه قضایی بدایت محکمه سی ریاسته انطالیه سنجانی مرکز قضایی بدایت محکمه سی رئیس احمد لمی و انطالیه سنجانی مرکز قضایی بدایت محکمه سی ریاسته ایدین ولایتی مرکز تجارت محکمه سی اعضا سندن حلمی و ایدین ولایتی مرکز تجارت محکمه سی اعضا لگنه در سعادت مکتب حقوقندن علی درجه مأذون اسماعیل حقی و قره حصار شرقی سنجانی بدایت محکمه سی اعضا سندن جمال افندینک عزلیله یرینه بایبورد قضایی بدایت محکمه سی مدعی عمومی سابق ذکی واقسرای قضایی بدایت محکمه سی مستطقلکنه اسکیشهر قضایی لوا بدایت محکمه سی مستطقی سابق فواد و صندوقی قضایی بدایت محکمه سی مستطقلکنه ایلضان بدایت محکمه سی مستطقی سابق سلیمان حلمی و صاور قضایی بدایت محکمه سی مستطقلکنه غستوار بدایت محکمه سی مستطقی سابق شعیب شکری افندیقل نقل و تعیین اولنمش وانقره ولایتی مرکز بدایت محکمه سی جزا دائره سی رئیس سلو ستروس افندی ایله طربزون ولایتی مرکز بدایت محکمه سی جزا دائره سی رئیس نشأت وجانیک سنجانی بدایت محکمه سی مستطقی علی رضا افندی ایله بایبورد قضایی بدایت محکمه سی مستطقی فخری و ییلدیز ایلی قضایی بدایت محکمه سی مستطقی محمود افندی ایله رشادیه قضایی بدایت محکمه سی مستطقی امین و قیصری بدایت محکمه سی اعضا ملازمی صنفی الدین افندی ایله چوروم سنجانی بدایت محکمه سی اعضا ملازمی حسین حسنی افندیقلک بجایشلری اجرا قلنمشدر .

بو اراده سنیه نك اجراسنه عدلیه ناظری مأمورد .

۸ ذی القعدة ۱۳۳۲ ۱۶ ایلول ۱۳۳۰

محمد رشاد

عدلیه ناظری صدر اعظم

ابراهیم محمد سعید

قوانین و نظامات

۲۰ جمادی الاخره ۱۳۳۵ تاریخی پسته پاکتری نظامنامه سنک ۱۲ نجی ماده سنه

مذیل فقره نظامیه

ماده : ۱ - داخلی پسته پاکتری نظامنامه سنک اون ایکنجی ماده سنه فقره آتیه ذیل ایدلشدر :
حال سفر بریده بولتان قطعات عسکریه و قومانداهیتلری منسوبینی ناملریه بش کیلویه قدر قبول ایدیلجک قیمتسر پسته پاکتری سنک بهر کیلو ویا کسوری ایچون برغروش اجرت استیفا اولنور آنجق بواجرت ایکی غروشدن دون اوله مان .

ماده : ۲ - اشبو ماده نظامیه تاریخ نشرندن معتبردر .

ماده : ۳ - اشبو ماده نظامیه نك اجراسنه پسته و تلغراف و تلفون ناظری مأمورد .

اشبو لایحه نظامیه نك موقع مرعیتیه وضعنی و نظامات دولته علاوه سنی اراده ایلدم .

۳ ذی القعدة ۱۳۳۲ ۱۰ ایلول ۱۳۳۰

محمد رشاد

صدر اعظم و خارجیه ناظری

محمد سعید

شیخ الاسلام و اوقاف مایون ناظری

خیری افندی *

حربیه ناظری

انور

داخلیه ناظری

طلعت

بحریه ناظری

احمد جمال

مالیه ناظری

جاوید

نافعه ناظری

محمود

تجارت و زراعت ناظری

سلیمان البستانی

عارف ناظری

احمد شکری

پسته و تلغراف و تلفون ناظری

اوسقان

۸ جمادى الاخره ۱۳۳۱ تاريخى پوليس نظامنامه سنك ۵۴ نجى ماده سنه

مذيل فقرات نظاميه

« پوليس اطباسنه بدایت تعیینلرنده بیک غروش معاش اعطاوتاریخ تعیینلرندن اعتباراً بش سنه ایفای خدمت ایدنلرک معاشی بیک ایکی یوز واون سنه خدمت ایدنلرک بیک درت یوز غروشه ابلاغ ایدیه جکدر . سر طیبیلره بدایت تعیینلرنده بیک بش یوز غروش معاش ویریلوب بش سنه ایفای خدمتدن صکره اشبو معاش بیک یدی یوز الی واون سنه خدمتدن صکره ایکی بیک غروشه ابلاغ ایدیه جکدر .

الیوم مستخدم بولنان اطبا بولندقلری صنفک هر برنده معاشات حاضرملریله بش سنه ایفای خدمتدن صکره سالف الذکر ضم معاشه کسب استحقاق ایده جکدر .

اشبولایحه نظامه نك موقع مرعیتیه وضعی ونظامات دولته علاوه سنی اراده ایلدم .

۴ ذی القعدة ۱۳۳۲ ۱۱ ایلول ۱۳۳۰

محمد رشاد

داخلیه ناظری	حریبه ناظری	شیخ الاسلام و اوقاف و ایوب ناظری	صدر اعظم و خارجه ناظری
طلعت	انور	خیری	محمد سعید
نافعه ناظری	مالیه ناظری	بحریه ناظری	عدلیه ناظری و شورای دولت رئیس وکیلی
محمود	جاوید	احمد جمال	ابراهیم
پوسته و تلغراف و تلفون ناظری	معارف ناظری	تجارت و زراعت ناظری	سلیمان البستانی
اوسقان	احمد شکری		

تأجیل دیونك تکرار تمديدی حقنده قانون موقت

ماده : ۱ ایلک تأجیل دیون قانونك نشر و اعلان ایدلیکی ۲۱ تموز ۱۳۳۰ تاریخنده واجب الایفا اولان و تاریخ مزبور دن ۲۰ اغستوس ۱۳۳۰ تاریخنده قدر و عدملری حلول ایدوب ۱۸ اغستوس ۱۳۳۰ تاریخى قانون ايله ۲۰ ایلول ۱۳۳۰ تاریخنده قدر تأجیل ایدلمش اولان بالعموم دیون و تعهدات تقدیه ايله بانقهلرده کی مودوعات ۲۱ ایلول ۱۳۳۰ تاریخندن اعتباراً اوج آى تأجیل ایدلمشدر . آنجق واجب الایفا دیون اصحابی ۱۸ ایلول ۱۳۳۰ تاریخى قانونك برنجی ماده سی موجبجه علی الحساب تسویه سنه مجبور اولوبده هنوز تأدیه ایتمه مش اولدقلری یوزده بشدن ماعدا علی الحساب یوزده اون تأدیه ایتمه مجبوردرلر . بویوزده اونك برنصفی ۲۱ ایلول ۱۳۳۰ تاریخندن و نصف دیگرى ده ۱ تشرین ثانی ۱۳۳۰ تاریخندن اعتباراً واجب الایفادر .

ماده : ۲ ۲۱ تموز ۱۳۳۰ تاریخى قانونك نشر و اعلانندن اعتباراً وقوع بولان تأدیات بر منوال محرر علی الحساب صورتمیه تأدیه ایدیه جک یوزده بشدن تفریل اولنه جقدر . شوقدرکه آنونیم شرکت صورتنده متشکل بانقهلر دن مطلوباتی اولانلر اولجه نه مقدار آلمش اولورلر سه اولسونلر و مطلوبلری نك یوزده بشی اون لیرادن نقصان اولسه دخی بانقهلر کندیلرینه ۲۱ ایلول ۱۳۳۰ تاریخندن اعتباراً اون و ۱ تشرین ثانی ۱۳۳۰ تاریخندن اعتباراً کذلک اون عثمانلی لیزاسی تأدیه ایتمه مجبوردرلر .

ماده : ۳ ۲۱ اغستوس ۱۳۳۰ تاریخندن ۲۰ ایلول ۱۳۳۰ تاریخنده قدر و عدملری حلول ایدوب ۱۸ اغستوس ۱۳۳۰ تاریخى قانون ايله بر آى تأجیل ایدلمش اولان دیونده ۲۱ کانون اول ۱۳۳۰ تاریخنده قدر تأجیل اولنشدر . شوقدرکه مدیونلر ۱۸ اغستوس ۱۳۳۰ تاریخى قانون ايله تأدیه مجبور اولدقلری یوزده بشدن ماعدا بورجلرینك وعدملری حلول ایتش اولدیجی تاریخندن بر آى صکره بر ایکنجی یوزده بش وایکی آى صکره براوچنجی یوزده بش تأدیه سنه مجبوردرلر .

ماده : ۴ اشبو قانونك تاریخ مرعیتدن اعتباراً برنجی آى ظرفنده وعدملری حلول ایده جک اولان دیونك یوزده بشی حلول وعدهده و یوزده بشی وعده نك حلولندن بر آى صکره واجب التأدیه اوله جق و باقیسی ۲۱ کانون اول ۱۳۳۰ تاریخنده قدر تأجیل ایدیه جکدر .

اشبو قانونك تاریخ مرعیتدن اعتباراً ایکنجی آى ظرفنده وعدملری حلول ایده جک اولان دیونك یوزده بشی حلول وعدهده و یوزده بشی وعده نك حلولندن بر آى صکره واجب التأدیه اوله جق و باقیسی ۲۱ کانون اول ۱۳۳۰ تاریخنده قدر تأجیل ایدیه جکدر .

اشبو قانونك تاریخ مرعیتدن اعتباراً اوچنجی آى ظرفنده وعدملری حلول ایده جک اولان دیونك یوزده بشی حلول وعدهلرنده واجب التأدیه اوله جق و باقیسی ۲۱ کانون اول ۱۳۳۰ تاریخنده قدر تأجیل ایدیه جکدر .

ماده : ۵ ۱۸ اغستوس ۱۳۳۰ تاریخى قانونك فائضه دائر اولان دردنجی ماده سنك حکمی باقیدر .

ماده : ۶ سندات و اوراق تجاریه یه عائد پروتستولر سندات و اوراق مذکورده نك تأجیل دیون قانونلرینه نظراً واجب الایفا اولدقلری کوندن اعتباراً سکز کون ظرفنده اجرا ایدیه جک و فقط اشبو تأجیل دیون قانوننده تعیین ایدلمش اولان مدتک ختامندن اعتباراً اون بش کون مرور ایتدیکجه مدیونك افلاسی جهته کیدلیه جکدر . حقلرنده بردفعه پروتستو کشیده ایدیلن سندات ایچون تکرار پروتستو معامله سی یا پلله جقدر .

ماده : ۷ تأجیل دیون مطلوبات امیرییه شامل دکدر .

ماده : ۸ خزینیه رسوم و تکالیفدن دینلری اولوبده بانقهلرده مودوعاتلری بولنانلرک طوغریدن طوغری به خزینیه مأمورلری نامنه ویرمه جکلری چکلرک بدانی بانقهلر تماماً و اصحاب مودوعات ویرمه مجبور اولدقلری مبلغدن محسوب ایتمکسزین تسویه به مجبوردرلر .

اوقاف و ايتام مود و عاتی ده تأجيل ديونه تابع دكلدر .
 ماده : ٩ بدلات ايجاريه نك هر آيه اصاب ايدن قسمتك يوزده الليسى واجب الايفادر . ١٨ اغستوس ١٣٣٠ تاريخلى قانون موجبنجه وقوع بولان بدلات ايجاريه تأدياى محسوب ايديله جكدرد .
 ماده : ١٠ اشبو قانونك احكامى ١٨ اغستوس ١٣٣٠ تاريخلى قانونك نشر و اعلانندن اعتباراً عقد ايديلن ديون و مقاولات و تعهدات حقنقه مرعى الاجرا اوليه جقدرد .
 ماده : ١١ اشبو قانون ٢١ ايلول ١٣٣٠ تاريخندن معتبردر .
 ماده : ١٢ اشبو قانونك اجراى احكامنه عدليه و ماليه ناظرلى مأموردر .
 مجلس عمومىك انعقادنده قانونىي تكليف ايدلك اوزره اشبولايمه قانونيه نك موقتاً موقع مرعيتيه وضعى و قوانين دولته علاوه سنى اراده ايلدم .
 ١٠ ذى القعدة ١٣٣٢ ١٨ ايلول ١٣٣٠

محمد رشاد

ماليه ناظرى : عدليه ناظرى : صدر اعظم : جاويد : محمد سعيد

بلغارستانله منعقد ١٨ تموز ١٣٣٠ تاريخلى تجارت و سيرسفان مقاله نامه سنى ٣١ تموز ١٩١٤

مصدق قانون موقت

ماده : ١ حكومت عثمانيه ايله بلغارستان حكومتى بيننده تجارت و سيرسفان حقنقه تنظيم و طرفين مرخصلى جانبندن ١٨ تموز ١٣٣٠ تاريخنده امضا اولنان مقاله نامه ١٧ ايلول ١٣٣٠ تاريخندن اعتباراً مرعى اوله جقدرد .
 ماده : ٢ اشبو قانونك اجراى احكامنه خارجيه و ماليه ناظرلى مأموردر .
 مجلس عمومىك اجتماعنده قانونىي تكليف اولنق اوزره اشبولايمه قانونيه نك موقتاً موقع مرعيتيه وضعى و قوانين دولته علاوه سنى اراده ايدر .

١٥ ذى القعدة ١٣٣٢ ٢٣ ايلول ١٣٣٠

محمد رشاد

ماليه ناظرى : صدر اعظم : خارجيه ناظرى : جاويد : محمد سعيد

مقاله نامه

حكومت عثمانيه ايله بلغارستان حكومتى بر تجارت و سيرسفان معاهده نامه سى عقدى ضمننده مذاكرات و مكالماتده بولندقلرندن ايكي مملكت بيننده كى تجارت و سيرسفان معاملاتجه آتى الذكر اصول موقتىي بالاتفاق قبول و اتخاذ ايلشلدرد :

ماده : ١ دولت عثمانيه ايله بلغارستان قراللى بيننده تجارت و سيرسفان خصوصلرنجه سربستى تام جارى اوله جقدرد . طرفين عاقديندن برينك شعبه سى ديكر طرف ممالكنده قوانين و نظامات محليه يه توفيقاً سربستجه اجراى سياحت و اختيار اقامت ايله بيله جكدرد .
 طرفين عاقديندن برينك ديكر طرف ممالكنده يرله شن و ياموقتاً اقامت ايدن تبعه سى تجارت ، مسلك ، حرفت و يا صنعتلرينك اجراسى خصوصنده تبعه محليه نك حائز اولدقلى عيى حقوقى حائز اوله جقدر و تبعه محليه نك تابع اولدقلى و يركو و رسوم و تكاليفدن غيرى و يا دها يوكسك و يركو و رسوم و تكاليفه هر هانكى نام ايله اولورسه اولسون تابع طوتليه جقدرد .

احكام سالفه نك اجزا جيلرله تجارت سمسارلرينه ، كوي ميخانه جيلرينه ، صرافلره ، آياق صايخيلرينه و سيار بر تجارتله اشتغال ايدن ديكر كسانه شمولى اوليه جقدرد .

ماده : ٢ ممالك عثمانيه نك بلغارستانه ادخال اولنه جق محصولات و يامعمولاتى و بلغارستانك ممالك عثمانيه يه ادخال قلنه جق محصولات و يامعمولاتى طرفين ممالكنده ادخالات و اخراجات و ترانسيت رسومنجه و اعاده اخراج و ترانسيت و انتره پو خصوصلرنجه و مرك معاملاتجه الك زياده مظهر مساعده اولان ملك محصولات و معمولاتنه ايديلن معامله يه تابع اوله جقدر و محنى و يادىكر هر كونه بر مرك رسم منضى ايله آقسيز و يا اوقترو ارسمنه و يا خود اليوم موجود بولنان و يا ايلورده محصولات و معمولات مليه ايله الك زياده مظهر مساعده اولان ملت محصولات و معمولاتنه طرح ايديله جك رسومدن غيرى بر طاقم رسوم جديده متفرعه يه تابع طوتليه جقدرد . ممالك عثمانيه نك محصولاتدن اولان توتون بوا احكامدن مستثنا اولوب بلغارستانه اخراج اولندقدده رقيه دنيلن اخراجات رسمنه تابع قاله جقدرد .

بونندن ماعدا بوجه زير محصولات عثمانيه بلغارستانه حين ادخاللرنده آتيده معين مرك رسمىي تأديه ايله جكدرد :

تعريف

نومروسى	تعريف نومروسى	بلغار عموى	اشيانك جنس ونوعى	يوز كيلوغرام	اوزرندن آلنه جق رسم
۱	۳۲ ex	تعارف نومروسى	تعارف نومروسى	تعارف نومروسى	تعارف نومروسى
۲	۳۲ ex	تعارف نومروسى	تعارف نومروسى	تعارف نومروسى	تعارف نومروسى
۳	۵۸	تعارف نومروسى	تعارف نومروسى	تعارف نومروسى	تعارف نومروسى
۴	۵۹	تعارف نومروسى	تعارف نومروسى	تعارف نومروسى	تعارف نومروسى
۵	۶۰	تعارف نومروسى	تعارف نومروسى	تعارف نومروسى	تعارف نومروسى
۶	۸۲ a	تعارف نومروسى	تعارف نومروسى	تعارف نومروسى	تعارف نومروسى
۷	۸۳ ex	تعارف نومروسى	تعارف نومروسى	تعارف نومروسى	تعارف نومروسى
۸	۱۱۱	تعارف نومروسى	تعارف نومروسى	تعارف نومروسى	تعارف نومروسى

اخطار — لقوم تنزىلاتلى تعرفدن استفاده ايد بيلمك ايچون پراكند صائشه حاضر بر صورتده اوافق پارچهلر حالنده بولمليدر . راحت لقومك استيفي ايچون انجق لقوم ايله توز شكرينك وزن مجموعنك حد اعظمى اوله رق يوزده بشى نسبتنده توز شكرى استعمال اوله بيله جكدرد . اشبو نسبتك مافوقنده نه قدر شكر ظهور ايدرسه شكر اعتباريله اولوجهلر رسمه تابع طوتيله جقدرد .

نومروسى	تعريف نومروسى	بلغار عموى	اشيانك جنس ونوعى	يوز كيلوغرام	اوزرندن آلنه جق رسم
۹	۱۱۲	تعارف نومروسى	تعارف نومروسى	تعارف نومروسى	تعارف نومروسى
۱۰	۱۱۷ ex	تعارف نومروسى	تعارف نومروسى	تعارف نومروسى	تعارف نومروسى
۱۱	۱۳۴ a	تعارف نومروسى	تعارف نومروسى	تعارف نومروسى	تعارف نومروسى
۱۲	۳۵۸ a	تعارف نومروسى	تعارف نومروسى	تعارف نومروسى	تعارف نومروسى

ممالك عثمانيه به ادخال اولنان اشيانك قيمت رايجهسى اوزرندن تأديه قلنان يوزده اون بر كمرك رسمى تزويد اولندينى زمان بالاده مذكور تعرفه وبونده كوستريلن اشياى تجاريه الك زياده نائل مساعده ملت معامله سنه مظهر اوله جقدرد .

ماده : ۳ بلغار سفائى ايله حوله لرى ممالك عثمانيه ده و عثمانلى سفائى ايله حوله لرى بلغارستانده طرفين عاقدينك ليمان، حوض ودوقلريله كورفزو مرسا [هاور] لرنده استيفا اولنان طونيلاتو، ليمان، قلاغوز، قنار، قرانته رسوميلىه ديكر بالجله رسوم ممالكه خصوصنده الك زياده مظهر مساعده اولان ملته منسوب سفائى ايله حوله لرى حقلرنده ايديلان معامله دن مستفيد اوله جقلردر .

ينه بوسفائى ايله حوله لرى ديكرى بالجله خصوصاته دخى الك زياده مظهر مساعده اولان ملت معامله سندن مستفيد اوله جقلر فقط الك زياده مظهر مساعده اولان ملته منسوب سفائى كاپيتولاسيونلردن منبعث اصول استثنائيه ايجانجه مستفيد بولندقلرى معامله استثنائيه دن هيچ بروجله استفاده ايدميه جكلردر . ضابطه ايله حق قضايه عائد مواد برده سالف الذكر اصول استثنائيه دن منبعث معامله استثنائيه به متعلق بالجله احوال اوروپا حقوق دول عموميه سى قواعدينه تابع اوله جقدرد .

ماده : ۴ حوالى متجاوره معاملات تجاريه سيله اموال مختلطه اصول اداره سنه بخش اولنان مساعدات مخصوصه يه دائر ۳۰ كانون اول ۱۹۰۶ تاريخنده دولت عثمانيه ايله بلغارستان آره سنده منعقد تجارت و كمرك اتلافنامه سنك اون ايكي واو اوچ نومرولى ذيللرى اشبو مقاوله نامه نك مدت اجرا سنده مرعى الاجرا قاه جقلردر . مع هذا طرفين عاقدين اشبو ذيللرده مذكور اولان مساعداتى ده فضلده عددده اشياى تجاريه به تشميل ايتك و اشبو مساعدات دن مستفيد اولان مقاديرى تزويد ايتك حقتى محافظه ايدرلر .

ماده : ۵ مقاوله حاضره ۷ ايلول ۱۹۱۴ تاريخندن اعتباراً مرعى الاجرا اوله جق وبو تاريخندن مقدم تصديق قلنه جقدرد و طرفين عاقديندن برينك رسمى بر تقرير ايله مفسوخيتنى بيلديرديكى تاريخندن آلتى ماه صكره حكمدن ساقط اوله جقدرد .

در سعادتده نسخين اوله رق ۱۸ تموز ۱۹۱۴ تاريخنده تنظيم اولمشدر .

مرخص مأذون
در سعادت بلغارستان سفيرى
(امضا : آ. طوشف)
مرخص مأذون
ماليه ناظرى
(امضا : محمد جاويد)
(مابعدى وار)

تلیفات محمود

عمر این نظارت جدید از سن ۲۴ خرداد ۱۳۳۰ تا ۳۰ شهریور ۱۳۳۰:

« لاجل الشهادة جلب واستماع اولئان شهوده تعيين اولنه حق اصارف ضروريه نك »

« فضله مقدارده تعیین ایدالامسنه دائر »

لاجل الشهاده جلب واستماع اولئان شهوده بعض محاکم ودوائر استنطاقیه جه یاقین مسافله را ایچون استکشار اولنه حق مرتبهده مصارف ضروریه تقدیر ایدلمکده اولدینی بعض ولایات استیناف مدعی عمومیلکر نندن واقع اولان اشعار اتدن اکللا شلمقه در کرچه مواد جزائیه دن طو لایي جلب واحضار اولنان شهوده ویر یه جک مصارف سفریه نك محکمه جه تقدیری ایجاب ایتمکده ایسهده بو خصوصده شاهدك حال وصفی و قطع ایتدیکی مسافله نك درجه می نظر اعتباره آلهرق آنجق لزوم حقیقی نسبتده مصرف تقدیر ایدلمسی و فضله مقدارده مصارف سفریه تقدیر یه خزینه جلیله نك بیهوده یره مصارفه دوچار ایدلماسی خصوصه فوق العاده دقت واعتنا اولنسی لازمه دن بولمسنه منی کیفیت بالعموم استیناف مدعی عمومیلکر نینه تبلیغ قلنمش اولمغله اولوجهله ایفای معامله اولتق اوزره دائره مأموریتلری داخلنده بولنان محاکمه لاجل التوزیع اشبو تحریراتك نسخ مطبوعه کافیه سی لفا آرسال قلندی

عبدلہ نظارت جلیلہ سندھ دواؤں مرکز بہ ایڈولہ بات امتیاز مدعی عمومی مہنگہ بھٹک بنہ نعمتیا نسطیر پیور بہادرہ خبرات صورت پندر:

«دوائر ومحاکم مأمورین و کتبه سندن تحت سلاحه التانلرک یرلرینه عندالازوم»

« تعیین اولنه جق وکیللارک صورت انتخابیله بونلره ویریله جک یومیله ره دایر »

« تعلیماتنامہ حقنہ »

دوائر و محاکم مأمورین و کتبه سندن تحت سلاحه النانلرک یرلرینه عندالزوم تعیین اولنه حق و کیلرلرک صورت انتخابیله بونلره و یریله جک یومیهره دأر مالیه نظارت جلیله سنجه تنظیم اولنان تعلیماتنامه ایله نظارت مشارالیهانک اولباده کی تذکره سی مجلس وکلاده بالمطالعاه مندرجاتی موافق مصلحت کوریلهرک موجبنجه معامله ایفاسی تعمیماً دوائر مرکزیه انبا و مذکور تعلیماتنامه ایله تذکره نک صورتلری کوندرلدیکی بیانیله اکاکوره اجرای ایجابی باتذکره سامیه تبلیغ و اشعار بیورلمشدر

وقام دوائر جميعه اقامته عسكره الماده كسبه نك رينه وكيل اخذ امنه و معاشر نيك صورت نسوبه هذا

۱ — احتیاط و مستحفظ اوله رق سفر برك مناسبته تحت سلاحه النان بر قلمه منسوب متعدد کتبه دن هر برینک یرینه آری آری وکیل تعیینه لزوم و امکان اولمادیقی تقدیرده بونلرک معاشرلندن قانوناً کنسیدلرینه ویرلمک لازم کلان مقدارندن فضله لری قارشیاق اتخاذ اولنه رق اجرت یومیه ایله لزومی قدر وکیل استخدام اولنور

۲ — بر قلم کتبه‌سندن بر قسمی خدمت مقصوره ایله تحت سلاحه النمش اولور و برنجی فقرده بیان اولنان قارشیلوق قلمک ممکن مرتبه تدویر امورینی تأمین ایدجک قدر وکیل استخداونه کافی کمز ایسه نقصانی خدمت مقصوره ایله تحت سلاحه النانلرک معاشندن نهایت ثلث نسیبنده توقیف صورتیله اکیل اولنور .

۳ — بو صورتله تادییه ایدیله جک اولان یومیله ر قلمک معاش تخصیصاتندن محسوب ایدیله جکدر .

باله نظارت جلبه سندره ۱۱ ايلول ۳۳۰ تاريخي ۹۲۵۰ نومبرولي تذکرہ منک صورتیبر :

تحت سلاحه التان دوائر ومحاکم مأمورین و کتبه سنک و وظائفی و کالۀ رؤیت ایتمک اوزره بر موجب قانون معاشلرندن کندیلرینه ویریله جک مقدار دن بقیه قالا نیله اوصاف لازمه یی حائر مغزولین و متقاعدیندن مناسبلرینک و کالۀ استخدای صورتیه مصالح دولتک سکتهدن و قایه سی اسبابنک استکمالی عدلیه نظارت جملہ سندن وارد اولان ۳۱ اغستوس ۳۳۰ تاریخی تذکره ده از بار قانمشدر .

سفر برك طولانيه سيله تحداث ايدن بوحال دوائر مركزيه نك جمله سنده واقع اولوب امور ومصالحك
تأمين ايفاسي ايجون نظارت مشار اليها جه بوابده تكليف اولنان وكالت اصولك قبولي ضروري كورلمكده
ايسه ده متقاعدين مياننده وكالت ايجون اوصاف لازمه يي حائر اولانلر يك ده تصادف ايديله ميه چكي جهته
استخدام اولنه جق وكيلا برك معزولين وقادر وخارجلري ميانندن انتخاب ويا خود خارجدن تداركي مقتضى
كورلمكده در . بوندن بشقه قادرولري آيري اولان شهابت واقلام مختلفه تخصيصاتك يكديكيرينه قاريشديرلمسي
غير جائز بولنديغدن بر قلمده سلاح آلتنه كيدن مأمورين معاشاتندن بقيه قالان مقدار ايله آنجق او قلمده
لزومي قدر وكيل استخدامي وبوتقديدوده برا كثريسي قايل المعاش اولان كتبه دن قاله جق جزئي معاش ايله
وظيفة وكالتى ايفا ايدمك مناسب وكيل تداركي ممكن اوله ميه جغندن بر قلمده بوصورته وكالة كورديريلا جك
برقاچ وظيفه نك بالتوحيد يالكسز بروكيل قوللانلسي موافق معامله قلمده در مع هذا وكالة استخدام اولنه جق
معزولينك معزوليت معاشلرينك قطعى طبعي اولوب حالو كه ايلروده وكالتلرينه ختام ويرلديكي زمان كنديلرينه

وكالة الدقلى معاش اوزرندن معزوليت معاشي تخصیصی لازم كلرك بوصورت ده مقدوریتلرینی مؤدی اوله جغه بناء بونلردن وکالته رغبت ایدنلر بولنه میه جنى درکار اولدینی جهته بوکا محل قالماق اوزره تحت سلاحه النالردن قالان معاشندن تسویه ایده بیلمک اوزره وکیللره مناسب مقدار یومیه اعطاسی مناسب کورلمکده در . انجق سلاح الله النان کتبه معاشاتی وکیللره ویریله جک یومیه لری تسویه کفایت ایتدیکی تقدیرده خدمات مقصوده احبابنک معاشلردن نهایت ثلثه قدر توقیقات اجراسیله بونک ده وکیللره ویریله ک یومیه قارشیلق اتخادی تنسیب ایدلش وایضاحات معروضه دائره سنده یاییله جق معاملهی مین تنظیم اولنان برقطعه تعلیمات لایحه سی لفاً عرض و تقدیم قلمش اولدیغندن مجلس وکلا قراریه دوائر مرکزیه تبلیغه مساعدده بیورلسی باینده

محکمہ مخیر مفقود

محکمہ مخیر مفقود دائره مخیر

محکمہ مخیر مفقود دائره مخیر صادر اولوب ۲۴ خریزانه سنه ۳۳۰ تاریختمه قرارى ریبهره ۹۲۲ نومردی اعلام صورتمدر.

«ارباب وقوفك حضور محكمه ده على طريق الشهاده استماعيله تبين ایده جك حاله»

«كوره حكم ویرلك لازم كلرك ایكن اسباب حکمدن معدود اولیان کشف»

«راپورینه بناء حكم ویرلسی مستلزم نقضدر»

دیادین قضا سنک حاجی خالدلی قریه سنده مقیم لژی بن احو ایله داود قریه لی عشیرت بیگباشیسی بکر آغا بیتیمه متکون دعوایه دائر بایزید بدایت محکمه سندن استینافاً ویریلان ۲ نیسان سنه ۳۳۰ تاریخی و اوچ نومردی اعلام مزبور لژی طرفندن تمیز ایدلمکله اوراق متفرعه سی میاننده موجود اعلام مستأنف به طرفینک اعتراض وجواب لایحه لریله برابر بالمطالعه تدقیقات تمیزیه اجراسنه ابتدار قلندی اعلامین مذکورین مندرجانه کوره : مزبور لژی دیادین بدایت محکمه سنه باعرفضال مراجعتله باظاپو متصرف اولدینی یاغلی نامیله معروف معلوم الحدود قشلاغنه مزبور بکر آغا طرفندن وقوعولان مداخله نک منعی طلب ودعوی ومدعی علیه بکر آغا دخی مذکور قشلاغنه اوده دنبرو متصرف بولندینی جهته مدعینک رد ادعاسی مدافعه بیان و انبا ایللری اوزرینه ذی الیدلک بالینه اثبات ایتدیرلکدن صکره اجرا قلنان

حاکمه وکشف و تدقیقات نتیجه سنده اولباده اجرای کشفی حاوی نائب واهل خبره طرفندن معطی راپور مفادینه نظراً محل منازع فیهک عندالحاکمه طرفین جانبدن ابراز اولنان سندرندن تاریخی مقدم اولان مدعی عامیهک طاپو سندی حدودی داخلنده بولندینی بالتدقیق اکلاشلمسنه مبنی مدعینک مدعی علیه قارشو وقوعولان معارضه نک منعیله محل مذکورک مدعی علیه تسلیمنه دائر بدایه ویریلان اعلامک عندالاستیناف تصدیقه حکم وقرار ویرلدیکی اکلاشلمشدر .

مستدعی طرفندن ویریلان لایحه ده محل منازع فیه اباغن جد متصرف اولدینی عندالحاکمه ابراز ایدیکی سند مندرجانیله ثابت ایکن محکمه جه بوجهت نظر دفته آلتیه رق اسباب حکمدن اولیان کشفه بنای حکم ایدلسی یولسز ومغایر قانون اولدیغندن واعتراضات سائردهن بخله اعلام ممیز بهک نقضی ولایحه جوابیه ده دخی غیر وارد اولان اعلامک تصدیقی طلب واستدعا اولمشدر .

ایجابی لدی المذاکره خصوص مدعی هر نه قدر برانوال محرر حکم واعلامه ربط اولنش ایسه ده محل منازع فیهک کشفی ضمنتده تعیین اولنان ارباب وقوفك حضور محكمه ده على طريق الشهاده استماعيله تبين ایده جك حاله کوره حکم ویرلك لازم کلور ایکن محکمه مذکور جه بوداثرده ایفای معامله ایدلمکله اسباب حکمدن معدود اولیان کشف راپورینه بناء حکم ویرلسی یولسز ومغایر قانون اولدیغندن اصول محاکمه حقوقیه قانونک ایکوز اوتوز ایکسجی ماده سی موجبجه اعلام مذکورک نقضیه ایکوز قرق دردنجی ماده سی حکمنه توفیقاً کیفیتک وجه مشروح دائره سنده بالرؤیه اعلامه ربطی ضمنتده محکمه مذکوریه اعاده سنه ومصارفک ایلروده حقسز حقیقه جق طرفه عائد اولسنه ۲۴ خریزان سنه ۳۳۰ تاریختمه متفقاً قرار ویرلدی .

محکمہ مخیر مفقود دائره مخیر صادر اولوب ۸ نومردی سنه ۳۳۰ تاریختمه قرارى ریبهره ۱۰۵۷ نومردی

اعلام صورتمدر :

«مقدما افلاس طلبندن فراغت اولنسی تأجیل دیندن عبارت بولندینی جهته مدیونک»

«بالاخره دینی ادا ایتسندن دولای تکرار افلاسی طلبه دابنک حق درکاردر»

حال تصفییه ده بولنان مدلی بانقه سنک از میرشعبه سی لیکیداتورلری سوقراط صولوموتیدیس و واسیل واسیلیادی افندیلر ایله آیدینده مقیم تجاردن جورجی پوتیریدی افندی بیتیمه متکون دعوایه دائر آیدین ولایتی استیناف محکمه سندن ۲۵ شباط ۳۲۹ تاریخی و یوز آلتش اوچ عددی ایله ویرلوب مزبوران سوقراط و واسیل طرفلردن تمیزاً تدقیق استدعا قلنان اعلام یالکسز مستدعیلرک اعتراض لایحه سیله بالمطالعه تدقیقات تمیزیه اجراسنه ابتدار قلندی

اعلام مذکور مندرجاته کوره : مزبوران صوقراط و واسیل افندیلر آیدین تجارت محکمه سینه با عرض حال مراجعتله مزبور جورجی افندینک مدالی باقیه سینه اکتساب قطعت ایتش بر قطعه اعلام ایله دخی اولان بشیوز قرق و طقوز قطعه سند موجب سینه یدییوز قرق اوچ عدد عثمانلی لیراسنی تأدیه ایتدیکی کبی تعطیل تأدیات دخی ایتش اولمسی جهتیله حال افلاسه وضعی حقنده اقامه ایلدکری دعوانک ردینه دائر ویریلان اعلامک عندالاستیناف اجرا قلنان محاکمه و تدقیقاتی نتیجه سنده دعوی واقع امر مقضی حاله کیش بر قطعه اعلام ایله متعین سندات تجاریه یه مستند دینی ایفادن اظهار عجز ایدن مزبور جورجینک افلاسه قرار اعطاسی طلبندن عبارت اولوب سندانه مستند قسم دیون ایچون باقیه طرفدن مزبور علیه مدت قانونیه سی طرفنده پروتستو کشیده ایدلما سندن ناشی بو قسم دیون ایچون رد دعوی متضمن اولان فقره حکمیه موافق قانون اولغله تصدیقه فقط اولباده کی اعلامک محتوی اولدینی دین تجاری حقنده نه سابی ونده ایجابی بر قرار اتخاذ اولغیه رق علی الاطلاق رد قراری اعطاسی مغایر قانون کورلدیکندن اعلام ابتدائینک بو نقطه دن فسخیه اساس ماده حقنده طلب وقوعده احکام قانونیه دائره سنده اتخاذ قرار اولغی اوزره کیفیتک بدایت محکمه سینه اعاده سینه دائر ویریلان اعلام اوزرینه مدعیلرک محکمه بدایت به مراجعه اقامه ایلدکری افلاس دعوانک اجرا قلنان محاکمه و تدقیقاتی نتیجه سنده حضور محکمه ده واقع اولان ائتلاف و موافقتلری اوزرینه باقیه افلاس طلبی حقنده اسقاط ایلک صورتیه مدیون مومی ایله جورجی افندی مدعی بهدن بشیوز و قرق لیراسنک تأدیه سی تعهد ایتش و بو خصوص مدعی علیه طرفندن ابراز اولوب کسب قطعت ایتش اعلام ایله ده ثابت بولنش اولغله مبلغ مذکور ایچون باقیه نک بتکرار افلاس طلب ایتشی احکام عمومیه قانونیه ایله قابل توفیق اولماسی جهتیله دعوی واقع نک ردینه دائر ویریلان اعلامک عندالاستیناف تصدیقه حکم و قرار ویرلدیکی آکلاشلمشدر

مستدعیلر طرفندن ویریلان لایحه ده : دین مذکورک تأدیه سی بر مدت موقته ایله تأجیل اولدینی جهته طلب افلاسدن فراغت اولنش و بالاخره مدیونک دین مذکور ادا ایتامسی طلب افلاس حقلینی بروجله اسقاط ایتامش اولدینی حاله محکمه جه بو جهت نظر دفته آلتیه رق بروجه محرر قرار ویرلسی مغایر قانون اولدیغندن بحکله اعلامک تقضی طلب واستدا اولمشدر .

ایجابی لدی المذاکره خصوص مدعی هر نه قدر بر منوال محرر حکم و اعلامه ربط اولنش ایسه ده مقدما افلاس طلبندن فراغت اولمسی تأجیل دیندن عبارت بولدینی جهته مدیونک بالاخره دینی ادا ایتامسندن دولای تکرار افلاسی طلبه داینک حق درکار اولدینی حاله محکمه جه بو جهته نظر دفته آلتامسنگ مغایرت قانونیه سند ناشی اعلام ابتدائینک فسخی اقتضا ایدر ایکن استیناف محکمه سینه دخی بوجهت تأمل ایدلیه رک اعلام مستألف بهک تصدیقه قرار ویرلسی یولسز و مخالف قانون اولدیغندن اصول محاکمه حقوقیه قانوننک ایکوز اوتوز ایکنجی ماده سی موجب سینه اعلام مذکورک نقضیه ایکوز قرق در دخی ماده سی حکمه

توفیقاً کیفیتک بالرؤیه اعلامه ربطی ضمننده محکمه مذکوریه اعاده سینه و مضار فک ایلورده حقیر حقیقه جق طرفه عائد اولسینه ۸ تموز ۳۳۰ تاریخنده متفقاً قرار ویرلدی .

محکمہ تمیز حقوقہ دائرہ غدرہ صادر اولوب ۱۹ تموز سنہ ۳۳۰ تاریخندہ قراری ویریلور و ۱۱۰۳ نومردی اعلام صورتیدر :

« عقاره متعلق دعاویده ذی البدلک بالینه اثبات ایتدیرلک و اقامه اولنان بینه دن »
« هانکیسنگ مرجع اولدیغه قرار ویرلک و مدود منازع فها شهود طرفندن »
« اصولی دائره سنده اراءه ایدلک اقتضا ایدر »

اطنه نک قوری کوری محله سنده مقیمه انصو بنت خرلم ایله دوشمه زقاغنده باقرچی عوادیکیان ارتین بینه دن متحدث دعوایه دائر اطنه ولایتی استیناف محکمه سندن ۲۵ مایس سنه ۳۳۰ تاریخی و سکسان بش عددی ایله ویریلوب مزبوره انصو قادی طرفندن تمیزاً تدقیقی استدا قلنان اعلام یالکیز مستدعیه نک اعتراض لایحه سیله بالمطالعہ تدقیقات تمیزیه اجراسنه ایتدار قلندی .

اعلام مذکور مندرجاتنه نظراً مزبوره انصو قادی نک باسند خاقانی متصرفه اولدینی محله مزبوره ده کائن معلوم الحدود و درتیوز یتش زراع بر قطعه عرصه سنک بر قسمه مرقوم ارتین طرفندن بالتجاوز اینه انشا ایتک صورتیه وقوعبولان مداخله نک منعی و اینه نک هدی حقنده اطنه بدایت محکمه سینه مراجعتله اقامه ایلدیکی دعوایه قارشو مدعی علیه ارتین دخی کندوسی مدعی به عرصه یه بر کونه تجاوز ایتدیکی کبی باسند خاقانی متصرف اولدیغندن مدعیه نک رد ادعاسی طلب و درمیان و مذکور عرصه نک صورت تصرفی ناطق ایکی قطعه طاپو سندی ابراز واعطا ایتشی اوزرینه جریان ایدن محاکمه و کشف و تدقیقات نتیجه سنده مدعیه نک ابراز ایلدیکی سند خاقانیده محرر حدود منازع فیه اولان عرصه نک حدودینه مطابق اولدینی جهت شرقیه سی حدودی اوزون عاشقیان اولوب مدعی علیه طاپوسنه توافق ایلدیکنه و مدعیه نک جهت جنوبیه حدودی کرتیمیان ماردیروس کوسترلمکده ایسه ده مدعی علیه طرفندن ابراز اولوب کرتیمیان ماردیروس و قسطنطین ناملرینه اولان ایکوز اون اتی نومرو و قانون اول سنه ۳۰۹ تاریخی بقیه یری قیدزده مدعی علیه ارتین محرر اولوب کرتیمیان عرصه سی مدعی علیه جهت جنوبیه سنده کشفاً آکلاشلمش اولسینه و مدعی علیه ایله عین شخصدن تلقی ملک ادعا ایتدکرینه و مدعیه نک تاریخ اشتراسی اوچوز اون و مدعی علیه اوچوز طقوز سنه لری اولدینی مبرز طاپو سند لرله ثابت اولدیغه بناءً بجهته نک بیک التیوز ایکنجی ماده سی موجب سینه دعوی واقع نک ردینه دائر محکمه مذکور دن صادر اولان اعلامک عندالاستیناف تصدیقه قرار ویرلدیکی آکلاشلمشدر .

مستدعيه تميزك اعطا ايلديكي لايحه اعتراضيه ده بوقوله عقار دعوالرنده ذى اليدلكك بالبينه ثابت اولمى مقتضى ايكن بوجهت نظردفته النسي يولسز ومغاير قانون اولديغندن وافادات سائردهن بختله اعلام مذكورك تقضى طلب واستدعا اولمشدر .

ايجابى مذاكره اولندقدده اعلام مذكورك مطالعه سندن مستبان اولدينى اوزره دعواى واقعه عقاره متعلق اولدينى جهته بجهت بىك يدى يوز التجى مادهسى موجبجه اول امرده ذى اليدلكك بالبينه اثبات ايتدركد انصكره مدعى به محلى مدعى عليه اوچيوز طقوز تاريخنده ومدعيه اوچيوز اون تاريخنده هرايكسى على نام كمنه دن تلقى ملك ايتدركرى ادعا ايلكده اولدقلىندن محكمه جه اول امرده هانكى طرفك بينه سى مرجع اولديغنه قرار ويرملك وحدود منازع فيها شهود طرفندن اصولى دائره سنده ارايه ايدملك اقتضا ايتديكى حالده استيناف محكمه سنججه ذى اليدلكك بالبينه اثباته قرار ويريلوب مدعى عليه ارتين طرفندن اقامه اولنان شاهدلر مرقومك عقار مدعا به ذى اليد اولدقلىنى خبر ويرمشلر ايسه ده شهود مرقومه نك سرأ وعلناً تزكيه لرينك اجراسى مقتضى بولمش ايكن شاهدلر افاده لرينك واقعه مطابق اولدينى مدعيه وكلى طرفندن بيان اولمى اوزرينه محكمه جه تزكيه لرندن صرف نظر اولنه رق محل منازع فيك سند خاقانده كوستريلان حدوديله حدود اصليه سنك تطبيقى ضمننده كشفه قرار ويريلوب اولبابده محلنده استماع اولنان اهل خبره طرفندن منازع فيه محلك انصونك حدودى داخلنده اولديغنه دائر اعطاي معلومات ايده مامش اولدقلىندن بختله مزبورمك دعواسنك ردينه دائر بديت صادر اولان قرارك استيناف محكمه سنججه تصديق جهته كيدلسى مخالف قانون اولديغندن اصول محاكمه حقوقيه قانوننك ايكوز اوتوز ايكنجى وايكوز قرق برنجى ماده لرى احكامنه توفيقاً اعلام مذكورك تفضيله قانون مزبورك ايكوز قرق دردنجى ماده سى موجبجه كيفيتك تكرار بالرؤيه اعلامه ربطى ضمننده محكمه مذكوره يه اعاده سنده وزيرده مفردات ومعطيسى كوسترلمش اولديغندن بونلر ايلروده حقسز چيقه جق طرفه عائد اولمى ۱۶ تموز سنه ۳۳۰ تاريخنده متفقاً قرار ويرلدى .

حكمه تميز مقومه دائره سنده صادر اولوب ۱۷ اغسطس سنه ۳۳۰ تاريخنده قرارى ويريلوده ۱۰۹۱ نومردى اعلام صورتيه :

« اوزرنده اشجار بولندينى بيان ايديلان محله فى الحقيقه قديماً اشجار بولندينى اسباب »

« حكمدن اوليان كشف ايله ثابت اوله مايه جفندن بوجهت بالبينه اثبات ايدلسى »

« مقتضيدر »

چال قضاى خدام قريه سى اهالى سندن حاجى محمد زوج سى اسمهان و كريمة سى امهان ايله ذيوه قريه سى سكه سندن شيرخانه جى اوغلى حاجى خليل ميانه سنده مشكون دعوايه دكرلى سنجانجى بدایت محكمه سندن

استيناف صفى و ۲۲ مارت سنه ۳۳۰ تاريخى و آلتش بر عدديله ويريلوب مزبورتان اسمهان وامههتان طرفندن تميزاً تدقيق استدعا قلنان اعلام مستدعيه لرك اعتراض لايحه لرى ومحلندن جلب اولنان اعلام مستأنف به ايله برابر بالمطالعه تدقيقات تميزيه اجراسنه ابتدار قلندى .

اعلام مذكور مندرجانه نظراً « اسمهان وامههتان خاتونلرك با عرضحال قضاء مذكور بدایت محكمه سنده مراجعتله » چوباجقى نام موقعه كائن حدود ومقدارى معلوم ترلا وباغده كى حصه شايه لرينه حاجى مرقوم خليل طرفندن فضولى مداخله ايدملكده اولديغندن وحتى مرقوم حاجى خليلك اموال مذكوره كندوسنه پدرندن انتقال ايتديكنه دائر الله ايتديكى ساخته شهادتنامه ايله طابو سندن استحصال ايتش اولسندن طولايى جهت جزائيه محكوم ايدلمش ايدوكندن بختله مداخله واقعه سنك منى حقنده اقامه ايتدكرى دعوى اوزرينه اولوجهه آلتش اولدقلى اعلام حكمنه محكوم عليه مرقوم حاجى خليلك عدم قناعتله استيناف دعوايه بالقيام منازع فيه باغ یرى و اراضى ي مدعيه لردن مبايعه ايتديكندن وبونلر اوزرينه اشجار غرس ايتديكى اقدجه كشفاً ثابت اولمش ايدوكندن بختله اعلام مستأنف بهك فسختى طلب وادعا ايلمى اوزرينه محكمه جه مدعى به محللك نه نوع اراضى وكيملر عهده سنده مقيد ايدوكنك محلى طابو اداره سندن استعلامى ومستأنفك شرا حقنده اقامه ايتديكى شهودك استعاى قرار كير اولدقندن صكره جريان ايدن محاكمه وتدقيقات نتيجه سنده مستأنف مرقومك محال منازع فيبانى مستأنف عليها لردن ثمن مدفوع مقابلنده اشترا وبونلردن باغى قسماً اعمار وقسماً تجديد و اراضى اوزرينه اشجار غرس ايلديكى كشفاً وشهادت ثابت اولمى واشجار مغروسه قيمتلى اراضينك قيمتندن افزون بولندينى و بناء عليه مستأنف مرقومك اموال منازع فيبانى تصرفى سبب شرعى زعميله واقع اولدينى نمايان اولمى مبنى اعلام مستأنف بهك فسختله مدعى به باغ وباغچه نك مستأنف تصرفنده ابقاسنه حكم وقرار ويرلديكى اكلا شلمشدر .

مستدعيه ل طرفندن ويريلان لايحه ده مدعى به باغ وترلا حقنده خصملىرينك پدرندن منتقل مالى اولديغنه دائر ساخته شهادتنامه ايله طابو سندن استحصال ايتديكى ثابت اولمش ايكن بوجه مشروح لزوم قرار ويرلسى مخالف قانون اولديغندن وافادات سائردهن بختله اعلامك تقضى استدعا ايدلمشدر .

ايجابى كيفيت مذاكره اولندقدده « مدعيه ل منازع فيه محل مدعى عليه كندوسنه پدرندن انتقال ايتش اولديغنه دائر ساخته اوراق تنظيم ايلديكندن طولايى تحت استنطاقه آنوب محكوم ايدلديكى مدعى عليه مرقومده مدعى بهى مدعيلردن اشترا ايتديكى بيان ايتش اولديغندن محكمه جه اولبابده كى جزا اوراقك جليليه دائره استنطاقه وقوعبولان تصرف ادعاسنك نه يه مستند ايدوكنك تحقيق اولمى ومنازع فيه محلك بر قسمنك اشجار دن عارى اراضى اميره دن اولدينى قيداً اكلا شلمقدده اولمى نظراً مرقومك تفرغى اذن صاحب ارضه مستند اولمادىغندن اشبو ادعاسنك رد ايدلسى و اوزرنده اشجار بولندينى بيان ايديلان محله فى الحقيقه قديماً اشجار بولندينى اسباب حكمدن اوليان كشف ايله ثابت اوله مايه جفندن بوجهت كده بالبينه

اثبات ايدلسى مقتضى بولنديعى حالده محكمه جه جهات مذكوره نظر دفته آلتقسنين قرار اعطا ايدلسى مخالف قانون اولديغندن اصول محكمه حقوقيه قانونك ايكي يوز اوتوز ايكنجى وايكي يوز قرق برنجى ماده لرى موجبجه اعلام مذكورك تقضيله قانون مزبورك ايكي يوز قرق دردنجى ماده سى حكمنه توفيقاً كيفيتك وجه محرر دائره سنده بالرؤيه اعلامه ربطى صمننده محكمه مذكوره به اعاده سنده ومصارف تميزيه نك ايلروده حقسنر چيقه جق طرفه عائد اولسنة ۱۷ آغستوس سنه ۳۳۰ تاريخنده متفقاً قرار ويرلدى .

محكمه تميز جزا دائره سنده

محكمه تميز جزا دائره سنده صادر اولسنة ۲۱ ايلول سنه ۳۳۰ تاريخى و ۲۸۱۵ نومرولى اعلام صورتيه :
« طيب راپورى قطعيت افاده ايتديكى تقديرده مبروحك تكرار معايه سى »
« ايله جرحه لرى حقنده قطعى راپور استحصالى لازمدر »

انطاليه سنجاعى استيناف محكمه سى جزا دائره سندن صادر اولان ۳ تموز سنه ۳۳۰ تاريخى و قرق بش نومرولى اعلام ايله اوراق متفرعه سى باش مدعى عموميك مأموريت عليه سندن ۲۵ شوال سنه ۳۳۲ و ۳ ايلول سنه ۳۳۰ تاريخى وايكيك سكز يوز نومرولى تبليغنامه ايله محكمه تميز جزا دائره سنده اعطا قلمشدر .
اعلام مذكورك خلاصه مالى اوچيوز يكرمى سكز سنه سى مابنسك اون برنجى كوفى استاتوس ناحيه سبك انديا قريه سندن على اغا اوغلى ملا حسنى قتل قصديه جرح ايلديكى ادعا قلمشدر دولايى جنايته اتهام اولنان انطاليه نك دكرمن اوكى محله سندن استولى اوغلى خرمبوسك اجرا قلنان محكمه سى نتيجه سنده متهم مرقومك قتل قصديه جرح مذكوره جرائى شهادات واقعه ودلائل سائر ايله ثابت اولديغندن مجرميته وحركتنه توافق ايدن قانون جزانك يوز يتمش دردنجى و قرق النجى ماده لرينه توفيقاً قتل ايچون معين اولان اون بش سنه كورك جزاسك نصفى اولان يدى بحق سنه مدته كورك قونلسنه ۱ تموز سنه ۳۳۰ تاريخنده حكم اولنديغندن عبارتدر .

اوراق دعوانك مطالعه سندن صكره تدقيقات تميزيه اجرا اولندقدده تبليغنامه ده دخى بيان اولنديغى اوزره ملا حسنده كى ايكي قورشون ياره سى حقنده كى طيب راپورى جرحه لرى يكرمى كوفى صكره التيام بوله جغندن باحث اولسنة كوره مرقوم تكرار معايه ايتديريه لرك جرحه لرى حقنده قطعى راپور استحصالنندن صكره اعطاي حكم اولنق لازمكلىر ايكن شو لزومه رعايت اولنماش اولسنى مخالف قانون اولديغندن اصول محاكمات جزائيه قانونك اوچيوز اون دردنجى ماده سى حكمنه توفيقاً اعلام مذكورك تقضيله احكام

قانونيه دائره سنده ايفاي معامله اولنق اوزره اوراقلك محله اعاده سنده وايكيوز غروش اعلام خرجنك ايلروده حقسنر چيقه جق طرفدن تحصيلنه ۷ ايلول سنه ۳۳۰ تاريخنده متفقاً قرار ويرلدى .

محكمه تميز جزا دائره سنده صادر اولسنة ۲۱ ايلول سنه ۳۳۰ تاريخى و ۲۸۴۱ نومرولى اعلام صورتيه :

« متهملرك يكديكرينه عطف جرم ايللى كنديلرينه آبرى آبرى وكيل تعيينى »
« استلزام ايدر »

قونيه ولايتى استيناف محكمه سى جزا دائره سندن صادر اولان ۲۷ رمضان سنه ۳۳۲ و ۵ آغستوس سنه ۳۳۰ تاريخى ويكرمى درت نومرولى اعلام ايله اوراق متفرعه سى باش مدعى عموميك مأموريت عليه سندن تقض طلبى متضمن ۳۰ شوال سنه ۳۳۲ و ۸ ايلول سنه ۳۳۰ تاريخى وايكي بيك سكز يوز اون اوچ نومرولى تبليغنامه ايله محكمه تميز جزا دائره سنده اعطا قلمشدر اعلام مذكورك خلاصه مالى اوچيوز يكرمى طقوز سنه سى حزينانده صارى ناج اوغلى چيل احمدى جرح و قتل وحيوان اشيا سنى اخذ و سرقت ايتك ماده لرندن دولايى جنايته اتهام اولنان ايلغين قضاسك دنكر چقتلى قريه سندن عمر على بن عثمان وديلسر محمد بن على چاوش و حسين بن تكه محمدك اجرا قلنان محكمه لرى نتيجه سنده متهمون مرقوموندىن عمر عيلنك طوار اخذى مسئله سندن متولد منازعه اوزرينه متهوراً فعل قتل مذكوره مجاسرتى شهادات واقعه ودلائل وامارات سائر ايله ثابت اولديغندن اولوجهله مجرميته وحركتنه توافق ايدن قانون جزانك يوز يتمش دردنجى ماده سنك فقره اولاسنه توفيقاً اون بش سنه مدته كورك قونلسنه وديكرلرينك برائت لرينه ۱۷ مارت سنه ۳۳۰ تاريخنده حكم اولنديغندن عبارتدر .

اوراق دعوى مطالعه اولندقدن صوكره حكم جنانيدن دولايى تدقيقات تميزيه اجرا اولندقدده تبليغنامه ده دخى بيان اولنديغى اوزره متهملردن نتيجه محكمه استحصالى برائت ايدن محمدك ايلك جلسه محكمه ده ديكر متهم عمره عطف جرم ايتش اولسنة كوره امر مدافعه سنك بحق تايمنى ايچون محمه آبرى وكيل تعيينى لازم كلوركن مرقومك مدافعه سنك دخى عمرك وكيكه توديع ايدلسى و متهملردن عمرك سرقت جبريه فعلى سبب شدت عد اولنق اوزره اتهام اولنديغى حالده قرار مجرميته سرقت ماده سنك ثبوت وعدم ثبوتى حقنده بركونه تدقيقات اجرا ايدلسكسنين انجق فعل قتلدن مجرميته قرار ويريلوب سرقت فعلنك مسكوت عنه برافلسى مخالف قانون ومستلزم تقض احوالدين بولنش اولغله اعلام مذكورك اصول محاكمات جزائيه قانونك اوچيوز اون دردنجى ماده سى حكمنه توفيقاً تقضيه واحكام قانونيه دائره سنده ايفاي معامله اولنق اوزره اوراقلك محله اعاده سنده وايكي يوز غروش تقض خرجنك ايلروده حقسنر چيقه جق طرفدن تحصيلنه ۱۰ ايلول سنه ۳۳۰ تاريخنده ا كثريله قرار ويرلدى .

محکمه تمیز جزا دائره سنده صادر اولاره ٢١ ایلول سنه ٣٣٠ تاریخلی و ٣٠٥٥ نومرولی اعلام صورتیدر:

- حقوق عمومی شهودندن برینک استبدالاً مملکتی جانبیه کیتدیکی بیان اولمسی
- اوزرینه بولندینی محاکم امکان تحقیقی موجود و استنباه طریقیله افاده سنک
- اخذی محاکمه نك تاریخ جریاننه نظراً لازم ایکن افاده استنطاقیه نك قرائتیه
- اکتفا ایدلمسی موجب نقضدر

بغداد ولایتی استیناف محکمه سی جزا دائره سندن صادر اولان ٤ شباط ٣٣٢ و ١٥ حیران ٣٣٠ تاریخلی واللی دوت نومرولی اعلام ایله اوراق متفرعه سی باش مدعی عمومیلک مأموریت علیه سندن ١٥ شوال ٣٣٢ ٢٤ آغستوس ٣٣٠ تاریخلی وایکی بیک یدی یوز یکریمی سکیز نومرولی تبلیغنامه ایله محکمه تمیز جزا دائره سنه اعطا قلمشدر

اعلام مذکورک خلاصه مالی اوچیوز یکریمی طقوز سنه سی ایلولنک یکریمی برنجی کیجه سی بغدادک قریه باشی محله سنده واقع عبدالاحد اولنده قهوه جی شا کردی حسون بن علی ایله هر مر بن تومهی روولور قورشونیه جرح ایلدیکی ادعا قلمسندن دولایی جنایتله اتهام اولتان سوارای اوتوز برنجی آلاینک برنجی بلوکی یوز باشیسی اسماعیل حق افندی بن عباده افندینک اجرا قلمسان محاکمه علیه سی نتیجه سنده قتل قصسیدیه جرح مذکوره وپولیس طاهر افندی بی دخی ایفای وظیفه اثناسنده اجتساری شهادت واقع و دلائل سائر ایله ثابت اولدیغندن مجرمیتله واعظم جرمی اعتباریه حرکتیه توافق ایدن قانون جزانک یوز یتیمش دردنجی وقرق آلتنجی ماده لرینه توفیقاً قتل فعلی ایچون معین اولان اون بش سنه کورک جزاسنک نصفی اولان یدی یچق سنه مدته کورکه قولسنه ٢٦ مایس ٣٣٠ تاریخنده حکم اولندیغندن عبارتدر .

محکوم علیه طرفندن ویریلوب اوراق میاننده بولتان لایحه تمیزیه ده بیلرنده عداوت سابقه موجود اولیوب فعلی مذکورک سکر حالیه ایقاع ایلدیکنه و محاکمه سنده رتبه سندن دون ملازم اول و قدس یوز باشیلرک بولندیرلمسی مخالف قانون اولدیغه شهوددن استبدالاً مملکتی جانبیه کیدنلرک استنباه طریقیله افاده لرینک اخذی لازم کلورکن اشبو لزوم قانونیه رعایت اولندیغه وسائر نقصانی تدقیقات و تحقیقاته دائر اعتراضات سر دیله اعلام مذکورک نقضی استدعا قلمشدر

تبلیغنامه ده دخی برنجی جلسه ده مافوق اولق اوزره رتبه سنک دوننده ملازم اول عبدالقادر افندینک بولندیرلمسی وادعا شاهد لرندن قانون چاوشی احمد محرم افندینک استبدال ایدلمسی اوزرینه بولندینی محاکم دائره عسکر یه دن بالتحقیق استنباه طریقیله افاده سنک اخذندن بالذهول افاده استنطاقیه نك قرائتیه اکتفا ایدلمسی ووقعه دن مقدم مجروح لر طرفندن سب وشم ایدیلرک دوچار حقارت اولدینی عندالحاکمه مهم طرفندن بیان ایدلمش ایکن بوجهتک شهود مستمعه دن صورملامسی ومدافعه وکیلی طرفندن درمیان ایدیان مدافعاتک یکان یکان اسباب موجب رده سنک کوسترملامسی و عبدالوهاب افندینک ضربی کیفیتی مجرمیت

قرار نامه سنده مسکوت عنه بر اقللمسی مخالف قانون اولوب لایحه تمیزیه مندرجاتی بو طریقیله وارد بولنش اولدیغندن بختله اعلام مذکورک نقضی طلب اولمشدر

اوراق دعوی بعدالمطالعہ تدقیقات تمیزیه اجرا اولدقده حقوق عمومی شهودندن قانون چاوشی احمد محرم افندینک استبدالاً مملکتی جانبیه کیتدیکی بیان اولمسی اوزرینه بولندینی محاکم امکان تحقیقی موجود و استنباه طریقیله افاده سنک اخذی محاکمه نك تاریخ جریاننه نظراً لازم ایکن افاده استنطاقیه نك قرائتیه اکتفا ایدلمسی ومهمک له وعلیه نه مؤثر اولق اعتباریه وقعه نك صورت و مبدأ حدوثی بالا طراف شاهد لر دن سؤال و تحقیق اولنق لازم کلورکن بولندن دخی ذهول اولمسی و عبدالوهاب افندینک ضربی ماده سی دخی محاکمات جاریه دن موضوع بحث اولمش ایکن بالاخره اشبو جهت حقنه برکونه معامله وقرار اتخاذ اولنماش بولمسی مخالف قانون و تبلیغنامه ده کی اعتراضاتندن جهات مذکوره یی متضمن بولتانلری وارد و بجا کورلمش اولدیغندن اعلام مذکورک اصول محاکمات جزائییه قانوننک اوچیوز اون دردنجی ماده سنه توفیقاً نقضه واحکام قانونیه دائره سنده ایفای معامله اولنق اوزره اوراقنک محله اعاده سنه وایکیوز غروش اعلام خرجنک ایلروده حقسنر حقیقه حق طرفدن تحصیلنه ٣٠ آغستوس سنه ٣٣٠ تاریخنده اکثریتله قرار ویرلدی

محکمه تمیز جزا دائره سنده صادر اولاره ٢١ ایلول سنه ٣٣٠ تاریخلی و ٣٠٦٣ نومرولی اعلام صورتیدر:

« قتل و شهادتده تناقض »

ایزیت سنجانی بدایت محکمه سی جزا دائره سندن صادر اولان ٢٤ شعبان سنه ٣٣٢ و ٢ تموز سنه ٣٣٠ تاریخلی و یوز یتیمش ایکی نومرولی اعلام ایله متفرعاتی باش مدعی عمومیلک مأموریت علیه سنک ١٦ شوال سنه ٣٣٢ و ٢٥ آغستوس سنه ٣٣٠ تاریخلی وایکی بیک یدی یوز بر نومرولی تبلیغنامه سیله محکمه تمیز جزا دائره سنه اعطا قلمشدر .

اعلام مذکورک خلاصه مالی « اوچیوز یکریمی طقوز سنه سی تشرین ثانیسنک اونبرنجی کوئی قره مرسلک موده کوز قریه سندن تقفور اوغلی قره بی ضرب و جرح ایله وفاته سببیت ویردکلری ادعا قلمقدن ناشی جنایتله اتهام اولتان قریه مذکوره دن چاوش اوغلی ماردیک ولوپانوس و بی بیت اوغلی مناسی ولد کیرقور حقلرنده جریان ایدن محاکمه علیه نتیجه سنده مهمان مرقوماندن ماردیکک من غیر تعمد فعل قتل مذکوره و میناسک دخی عادیاً ضرب و جرح فعلنه جرأتلری شهودک مع القسم واقع اولان شهاداتی و دلائل وامارات سائر ایله ثابت اولدیغندن اولوجهله مجرمیت و فاعلیت لرینه و مجرم مرقوم ماردیکک حرکتیه توافق ایدن قانون جزانک یوز یتیمش دردنجی ماده سنه توفیقاً اون بش سنه مدته کورکه قولسنه و میناسک دخی یوز یتیمش طقوزنجی ماده قانونیه موجبجه دوت آی مدته جسسه ١٥ نیسان ٣٣٠ تاریخنده حکم اولنه جغنی. محتویدر .

جنايت محكومى ماردىك طرفدن ويريلوب ميان اوراقده بولسان لايحه تميزيه مفادى دخى فعل قتلک مقتول طرفدن وقوعبولان تعرضى دفع ومحافظه نفسى مقصديله لضروره ايقاع ايديلديکندن ووکیل مدافعک مدافعات واقعهسى اسباب موجب سرديله رد ايديلديکندن وسائر اعتراضاتدن بخله حقنده کى حکمک نقضى استدعاسى متضمندر .

اوراق دعوانک مطالعه سندن صوکره حکم جنايتدن دولايى تدقيقات تميزيه اجرا اولندقدده حقوق عموميه نهودندن نيوقوغوص اوغلى اونينک ايله ارمناک اوغلى ویرطانسک افاده لرندن آکلاشيلديغنه کوره اولجه منازعه يه مقتول قره بتک النده ييچاقله متهمه قارشى هجومى صورتنده باشلئيله رق بالاخره مرقوم قره بتى خانه سنه کوتورمک اوزره دوکون اوينه کلن آنهسى ايله بويوک نينهسى خانه قابوسندن ديشارى چيقدقلى صروده مرقوم قره بتک اوراده کوردیکی متهم ماردىک و ميناسه تکرار هجوم ايتک ايسته دیکى ائنده قتل مذکور وقوعه کلش اولديغى حالده مجرميت قرارنده اشبو شهادتک بسط و درميانيه برابر مقتول مرقومک والده ويوک والده سيله خانه سنه کيده چکى صروده متهملرک سوقاق قابوسى اوکنده بکليه رک منازعه يه و تعرضه سبيت ويرمش اولملرندن بحث ايدلسى مغاير قانون ونقض حکمى مستلزم بولمش وتبليغنامه دخى بوجهاتى شامل اولوب وارد وبجا کوريلش اولديغندن اصول محاکمات جزائيه قانوننک اوچيوز اون دردنجى ماده سنه توفيقاً اعلام مذکورک تقضيله اوراقتک محله اعاده سنه وايکى يوز غروش اعلام خرچنک ايلريده حقسز چيقه جق طرفدن تحصيلنه ٢٨ آغستوس سنه ١٣٣٠ تاريخنده متفقاً قرار ويريلدى .

محکمہ نيز استعدا داره مى مزارى

محکمہ نيز استعدا داره مى مزارى ١٧ نوموز ١٣٢٩ تاريخى ٩٨٩ نومردلى اعلام صورتيه :

* مرور زمان ومسلئ مستأخره *

در سعادت استيناف محکمهسى جنبه دائره سندن تنظيم واعطا و ٥ مارت سنه ١٣٢٩ تاريخنده امر تفهيمى اجرا قلنان قرارى ناطق اعلامک تميزاً تدقيقى مستدعى تجارت وزراعت نظارتى دعوى وکيلى صبرى بک جانبندن معطى استدعانا مه ايله اوراق متفرعهسى باش مدعى عموميلک مأموريت عليه سندن با تبليغنامه محکمه تميز استدعا دائره سنه توديع اولنش ولدى التدقيق مذکور استدعانا مه نک مدت قانونيهسى ظرفنده اعطا قلنديغى اکلاشلمش ايدوکندن بالقبول تدقيقات تميزيه اجرا سنه ابتدار اولندى اعلام مذکورک خلاصه مالى ميرى اورمانندن ترلا آچق صورتيله بلا رخصت اشجار قطع ايتديکى وقصداً اورمانک احراقه سبيت ويرديکى ادعا اولنان چرکس محمد اوغلى احمدک برائتنه دائر بدياه لاحق

اولان حکمک تصديقتى حاوى مقدما تنظيم واعطا قلنان اعلام استينافينک عندالتميز مظنون مرقوم جانبندن درميان اولنان تصرف ادعاسى اوزرينه حاصل اولان مسئله مستأخره نک حقوق محکمه سنجه حلى ضمننده مهل مناسب اعطا ايدلمه مش اولسى نقطه سندن نقض واعاده اولنسى اوزرينه نقض واقعه بالاتباع بوکره اجرا قلنان محاکمه وتدقيقات استينافيه نتيجه سندن مرقوم احمدک محکمه عانده سنه بالمراجعه اثبات تصرف ايتسى حقنده کنديسنه ايکى ماه مدتله مهل اعطاسنه دائر صادر اولان قرارى حاوى اعلام استينافينک مرقومه تبليغ تاريخيله اورمان اداره سنک محکمه يه مراجعت ايتديکى تاريخ اراسنده مرور ايدن مدتک اورمان نظامنامه سنده معين اولان اوچ ماه مرور زمان حدينه بالغ اولديغى اکلاشيلديغندن بخله حقوق عموميه دعوا سنک سقوطنه قرار ويرلديکى متضمندر

تميز استدعا نامه سنده اورمان نظامنامهسى موجب سنجه مرور زمان انحق قبل الدعوى وبعدالحکم جريان ايدوب اثنای دعوا ده احکام عموميه يه توفيق قرار ايدلسى لازم کلورکن برمنول محرر قرار ويرلسى مغاير قانون ايدوکندن بخله اعلام اخير استينافينک دخى نقضى استدعا اولنش وتبليغنامه ده دخى مذکور لايحه ده درميان اولنان اعتراض مصيب وبجا ايدوکى بيانيله اعلام استينافى مذکورک نقضى لزومى کوسترلمشدر

ايجابى لى المذاکره محکمه استينافيه جه ميرى اورمانندن بلا رخصت اشجار قطع ايتک ماده سندن دولايى مظنون احمد حقنده اقامه اولنان دعوانک سقوطنه سبب اتخاذ اولنان مرور زمانه مسئله مستأخره تشکيل ايدن تصرف ادعاسندن دولايى محکمه حقوقه مراجعتى لزومه قرار ويريلان مظنون مرقومه بوبابده ويريلان ايکى ماه مهلك ختامندن صکره جريانه باشلايان مدتک مبدأ اتخاذى لازم کلورکن صور محرريه توفيق معامله اولمايوب قرار مذکور اعلامنک تاريخ تبليغى ايله اورمان اداره سى وکيلنک محکمه استينافه مراجعتى بيننده کذران ايدن مدتک مرور زمان حدينه بالغ اولديغندن بخله دعواى واقعه نک بوجه محرر سقوطنه قرار ويرلسى يولسز ومستلزم نقض احوالدين اولوب لايحه تميزيه مؤداسى تبليغنامه ده دخى مرقم اولديغى وجهله انحق بوصورتله وارد وبجا کورنش ايدوکندن اصول محاکمات جزائيه قانوننک اوچيوز اون دردنجى و اوچيوز اون طقوزنجى ماده لى منطوقنجه اعلام استينافينک سبب مذکور بناء نقضيله احکام قانونيه دائره سنده ايفای معامله اولتقى اوزره اوراق متعلقه سنک محکمه مذکوريه اعاده سنه وايکى يوز غروش اعلام خرچنک تمرقه وتعليات مخصوصه سنه توفيقاً ايلروده حقسز چيقه جق طرفدن استيفاسنه ٢٩ مایس سنه ١٣٢٩ تاريخنده متفقاً قرار ويرلدى

محكمة تمیز استدعا دائره سنده صادر اولاده ١٧ تموز سنه ٣٢٩ تاريخي و ٨٦٦ نومروني اعلام صورتيه :

« محاکم استينافيه؛ بدایت محکمه لوندن و يريلوب استيناف اولنان مقررانك اسباب »

« موجه سنی و برات حقنده کی قرارلک بدایه محکمه کافی کورولیان دلائل »

« و اخبارانك درجه قوتی تقدیر وظیفه سیله ده مكلف در »

قیر شهری سنجانی بدایت محکمه سی جزا دائره سندن استینافاً تنظیم واعطا قلنان ٢٨ شباط ٣٢٨ تاریخ و بیك اوج یوز یکر می سکز نومرولی اعلامك تمیزاً تدقیق طابنی حاوی محکمه مذکوره مدعی عمومی معاونلکی جانبندن معطی استدعانه ایله اوراق متفرعه سی باش مدعی عمومیلک مأموریت علیه سندن بتبلیغنامه محکمه تمیز استدعا دائره سنده تودیع اولمش و لدی التدقیق مذکور استدعانه مك مدت معینه قانونیه سی ظرفده اعطا قلندینی اكلاشلمش اولدیغندن بالقبول تدقیقات تمیزیه اجراسنه ابتدار اولندی . اعلام مذکورك خلاصه مالی اعانه حریبه یی اعطا ایتماسندن طولانی شکر ی ایله زوجیه سی حمیده یی ضرب و جبراً خانه لرینه کیره رك مرکبی اخذ ایلدکلری ادعاسیله مظنون علیهم اولان عمر اوغلی کامل و برادری مولود ایله بلدییه رئیس دیکر مولود اغانك حقلرنده استماع قلنان شهودك اخباراتی معلل اولمسندن و بناءً علیه تأمین وجدانه کافی کوریه مامسندن ناشی براتلرینه دائر بدایه لاحق اولان حکم علیهنده حقوق عمومیه مأموری جانبندن اقامه اولنان استیناف دعواسنك سبق ایدن تدقیقاتی نتیجه سنده حکم ابتدائی مذکورك اسباب موجهیه مستند و اصوله موافق کورنمش و تقدیر دلائل و اخبارات هیئت حاکمه عائد وابسته بولنش ایدوکنندن بالبحث اولابده کی اعتراضك ردیه حکم مزبورك تصدیقه قرار ویرلدیکنی متضمنه در .

لایحه تمیزیه ده مدعی عمومیلک مقامندن عندالاستیناف تقدیر دلائله عائد اوله رق درمیان اولنان اعتراضاتك اجوبه ردیه سی بیان واره اولتمسزین غیروارد تعیر عمومیسيله رد ایدیله رك اولابده کی حکمك اسباب موجهیه استنادی لزومدن بالذهول بوجه محرر قرار ویرلمسی مخالف قانون ایدوکنندن بختله ذکر اولنان اعلام استینافینك قضی استدعا قلندینی کی تبلیغنامه ده دخی مظنون مرقومانك فعل ضربه جرأتلری متعدد شهود طرفندن مع القسم اخبار اولندینی حالده اشبو اخبارانك اسباب موجهیه درمیان ایدلمکسزین معلل تعیر عمومیسيله ردی و هله مرقومانك حرکتلری مجرد ضربه ده قالمیه رق اعانه درجی مقصدیه فقیر برکولوی تضیق ایتك و مأمور صفتی طاقه رق خودبخود خانه لرینه یعنی حق دخوللری اولیان له کیرمك و جبراً کویلونك مرکبی الوب محل آخره کتورمك کی افعال سائرهنکده انضمام ایتسنه کوره جهات مذکوره نك دخی بالاطراف تدقیق مقتضی اولوب شو نواقصدن طولانی اعلام ابتدائینك فسخی لازم کلور ایکن تصدیق جهته کیدلمسی اصول و مخالف و مدعی عمومی معاوننك لایحه سنده محرر اعتراضات شو اعتبار ایله وارد بولندینی بیانیله اعلام مذکورك قضی لزومی کوسترلمشدر .

ایجابی لدی المذاکره مندرجات اعلامدن استنباط اولندینی وجهله مظنون مولود اغا ایله کاملک براتلرینه دائر بدایه ویریلان قراره قارشو دعوا ی استینافه قیام ایدن حقوق عمومیه مأموری جانبندن تنظیم واعطا قلنان استدعانه ده مظنونلک فعل مدعا بیدن جرأتلری شهادات واقعه و کندیلرینك مؤل اقراریه مرتبه نبوده اولدیغه دائر درمیان اولنان اعتراضات اعلام استینافیه مرقم اجوبه ردیه سنك خلاصه سی اعتراضات مبعونه نك بدایت محکمه سنك تقدیراته تعرضدن عبارت ایدوکی مرکزنده اولوب حالبوکه محاکم استینافیه نك محکمه مأذون و شوصلاحتی ایجابجه بدایت محکمه لوندن و يريلوب استیناف اولنان مقررانك اسباب موجهیه سی و برات حقنده کی قرارلک بدایه محکمه کافی کورولیان دلائل و اخبارانك درجه قوتی تقدیر وظیفه سیله ده مكلف اولماسندن ناشی اعتراضات مذکوره نك شو صورتله ردی وظائف اصلیه سیله غیر قابل تألیف بولنش و بناءً علیه بونلرک تعلق ایلدیکی دلائل و اخبارات موجوده نك تدقیق و درجه حکم و قوتی تعیین و تقدیر اوله رق شو تحقیقات نتایجیه استناداً اسباب ردیه سی کوسترلمك مقتضی اولدینی حالده صور محرره یه توفیق معامله لزومندن ذهول ایدلمسی یولسز و مغایر اصول و قانون اولوب خصوصات مسروده یی تضمن ایدن لایحه تمیزیه محتویاتی تبلیغنامه ده دخی کوسترلدیکی اوزره وارد و بجا کورنمش ایدوکنندن اصول محاکمات جزائییه قانوننك اوچوز اون دردنجی و اوچوز اون طقوزنجی ماده لر ی منطقجه اعلام استینافی مذکورك اسباب محرره دن ناشی تقضیه احکام قانونیه دائره سنده ایفای معامله اولتمق اوزره اوراق دعوانك محله اعاده سنه و ایکوز غروش اعلام خرجنك تعرفه و تعلیمات مخصوصه سی حکمنه توفیقاً ایلروده حقسز چیه حق طرفدن استیفاسنه ٢ حزیان ٣٢٩ تاریخنده متفقاً قرار ویرلدی .

محكمة تمیز استدعا دائره سنده صادر اولاده ١٨ تموز سنه ٣٢٩ تاريخي و ٩٢٩ نومروني اعلام صورتيه :

« بر سنه دن اشاغی حبس جزاسیله صورت قطعه ده محکوم اولان اشخاصك »

« فعل اخیرندن دولایی مکرر صفتیه تضعیف جزاسی امرنده فعل مذکورك »

« بش سنه طرفنده ابقاع اولنوب اولنمادیغنك تدقیق و تحریری لزومنه دائر »

درسعادت استیناف محکمه سی جنحه دائره سندن تنظیم واعطا و ١٩ مارت ٣٢٩ تاریخنده امر تفهیمی اجرا قلنان قراری ناطق اعلامك تمیزاً تدقیق مستدعی فاطمه خیره خانم جانبندن معطی استدعانه ایله اوراق متفرعه سی باش مدعی عمومیلک مأموریت علیه سندن بتبلیغنامه محکمه تمیز استدعا دائره سنده تودیع اولمش و لدی التدقیق مذکور استدعانه مك مدت قانونیه سی طرفنده اعطا و شرائط لازمه سائرهنك دخی ایفا قلندینی اكلاشلمش ایدوکنندن بالقبول تدقیقات تمیزیه اجراسنه ابتدار اولندی اعلام مذکورك خلاصه مالی استراحت محلیه یی سالب صورتده بلا موجب کورلتی و شتاته و مأمورین

ضابطه‌ی ایفای وظیفه ائتماسنده تحقیر و محمد اغایی ضرب و اطاله لسان ایدلکری درجه ثبوتده کوریلان مستدعیه خیریه خانم ایله زوجی نظام الدینک اعظم جرملری اعتباریه قانون جزانک یوز یتیش طقوزنجی ماده سنه توفیقاً بلا موجب کورلی و ثباته و اطاله لسان فعلالینک سبب شدت عدلیه خیریه نک اون بش و نظام الدینک یکرمی کون مدتلرله حبسلرینه و فقط قید رسمی ایله تین ایدن محکومیت سابقه قطعیه لرینه بناء قانون مذکورک سکرنجی ماده سنه تعلیقاً خیریه نک بر ماه و نظام الدینک قرق کون حبسلرینه و نظام الدینک ضابطه‌ی تحقیر ایدلکی ثابت اوله مادیغدن بوجهدن براتده دایر بادیه لاحق اولان حکمک مرقومان خیریه و نظام الدین طرفلرندن اقامه اولنان استیناف دعواسنک سبق ایدن محاکمه و تدقیقات استینافیه نتیجه سنده اصول و قانونه موافق ایدوکنندن بحثله تصدیقنه قرار ویرلدیکنی متضمندر

لایحه تمیزیه ده محکومیت سابقه سنک قنی محکمه نک حکم و قرارینه مستند اولدینی و کسب قطعیت ایتیش بر اعلام موجود اولوب اولمادینی و محکومیت مذکوره نک عین جرمدن دولایمدر دکلیدر بورالینک تدقیق ایدلمکسزین بوجه محرر حکم ابتدائینک تصدیق جهته کیدلمسی مغایر قانون ایدوکنندن بحثله اعلام استینافینک نقضی استدعا اولمش و تبلیغنامه ده دخی اعلام تمیزیه ده محرر اسباب موجهه قانونیه یه نظراً لایحه تمیزیه ده و مکرر لکه اساس اتخاذ اولنان حکمه و تحقیقات و تدقیقات تفصیلاتیه دائر سرد و بیان اولنان اعتراضک وارد و بجا کوریه مدیک بیانیله ردی لزومی کوسرلمشدر

ایجابی لدی المذاکره قانوننامه جزانک سکرنجی ماده معدله‌ی بر سنده دن اشانجی حبس جزاسیله صورت قطعیه ده محکوم اولان اشخاصک فعل اخیرندن دولای مکرر صفیله تضعیف جزاسی امریده فعل مذکورک بش سنه ظرفنده ایقاع اولنوب اولنمادیغنک تدقیق و تحریسی لزومی متضمن اولسنه نظراً مستدعیه خیریه خانمک مکرر لکی مسئله سنک صور محرره دائره سنده قراره ربطی ایجاب ایدرکن درجه اولی محکمه سنجه بوجهنک نظر دفته آلمکسزین بوجه محرر اتخاذ قرار اولنسی کبی وقوعه کلان خطیاه بناء فسخی و تدقیقات مذکورنک اکالی صورتیه اصلاحی مقتضی بولنان حکم ابتدائینک عندالاستیناف موافقت قانونیه سندن بحثله تصدیق اولنسی یولسز و مستلزم نقض احوال دن اولوب لایحه تمیزیه مؤداسی آنحق شو صورتله وارد و بجا کورنمش ایدوکنندن اصول محاکات جزائییه قانوننک اوچیوز اون دردنجی و اوچیوز اون طقوزنجی ماده لری منظوقجه اعلام استینافینک مستدعیه مذکوره یه عائد فقره حکمیه سنک سبب مذکوره بناء تفصیله احکام قانونیه دائره سنده ایفای معامله اولنق اوزره اوراق متعلقه سنک محکمه مذکوره یه و تمیز جزای تقدیمی اوله رق استانبول ولایتی مال صندوقه تودیع ایدلمش اولان بش لیرانک اصول مذکورک اوچیوز قرق اوچنجی ماده سی موجبجه مستدعیه مذکوره یه اعاده سنه و ایکی یوز غروش اعلام خرجنک تعرفه و تعلیمات مخصوصه سنه توفیقاً ایلروده حقسز حقیقه حق طرفدن استیفاسنه ۲۸ مایس ۳۲۹ تاریخنده متفقاً قرار ویرلدی

حکمک تمیز استدعا دائره سنده صادر اولره ۲۰ تموز سنه ۳۲۹ تاریخ و ۷۸۳ نومرولی اعلام صوریه یدر : « اون کوندن زیاده خسته لنی موجب اولیان ضرب و جرح فعللرندن دولای »

« تعقیبات اجرایی شکایتنامه اعطاسنه متوقف در »

منتشا سنجانجی بدایت محکمه سی جزا دائره سندن استینافاً تنظیم واعطا قلنان ۲۶ شباط ۳۲۸ تاریخ و طقوز یوز طقسان یدی نومرولی اعلامک تمیزاً تدقیقی مستدعی حاجی حسین اوغلی علی بن علی جانندن معطی استدعا نامه ایله اوراق متفرعه سی باش مدعی عمومیک مأموریت علیه سندن باتبلیغنامه محکمه تمیز استدعا دائره سنه تودیع اولمش ولدی التدقیق مذکور استدعاینامه نک مدت قانونیه سی ظرفنده اعطا و شرائط لازمه سائر سنک دخی ایفا قلندینی آکلاشلمش ایدوکنندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی محمدک همشیره سی زینی قاجیرمغه تشبث والیریه صارقندیلق و ضرب و جرح ابتدکی ادعا قلنان مستدعی علینک تحدید جزاسنه دائر بادیه لاحق اولان حکمک محکوم مرقوم جانندن استیناف اولنسی اوزرینه اسباب قانونیه دن ناشی بالفسخ اولباده اجرا قلنان محاکمه و تدقیقات استینافیه نتیجه سنده مظلون مرقومک افعال مذکوره یه جرأتی مدعیه نک تعیین شخصله حصر ادعاسنه انضمام ایدن طیب راپوری مندرجاتیه مرتبه ثبوتده کوریه رک صارقندیلق فعلنک سبب شدت عدلیه قانون جزانک یوز یتیش طقوزنجی ماده سنه توفیقاً الی ماه حبسنه قرار ویرلدیکنی متضمندر .

تمیز استدعاینامه سنده اعلام استینافینک مغایرت قانونیه سندن بحثله نقضی استدعا اولمش و تبلیغنامه ده دخی اسباب اعتراضیه یی مین لایحه تمیزیه اعطا اولنماش ایسه ده ضرب و جرحک درجه سنه کوره تعقیبات اجرایی اون یدی یاشنده اولدینی آکلاشیلان مضروب و مجروح طرفندن شکایتنامه اعطاسنه متوقف اولوب مزبورده شکایتنامه اعطا ایتامش و برادری طرفندن ویریلان شکایتنامه نک ایسه نظر قانونده حکم و اهمیتی بولنماش اولدیغدن یالکسز صارقندیلق حقنده محاکمه اجرا و تعیین جزا قلنمق اقتضا ایدرکن صارقندیلق سبب شدت عدلیه ضرب و جرحدن طولانی تجزیه قلنمسی یولسز ایدوکی بیانیله اعلام مذکورک نقضی لزومی کوسرلمشدر .

ایجابی لدی المذاکره قانوننامه جزانک یوز یتیش طقوزنجی ماده سی علاوه سنده اون کوندن زیاده خسته لنی موجب اولیان ضرب و جرح فعللرندن طولانی تعقیبات اجراسنک شکایتنامه اعطاسنه متوقف اولدینی کوسرلمش و مدار استداد عد اولنان معاينه راپوری ایسه مشتکیه زیننده موجود آثار ضربک یدی سکز کون ظرفنده زائل اوله جغنی مین اولوب صراحت قطعیه یی غیر متضمن بولمش اولسنه مبنی بو باده قطعی راپور استحصالی صورتیه اجرایی مقتضی تدقیقات نتایجنه کوره اتخاذ قرار اولنق لازم کلورکن محکمه استینافیه جه اجرای تدقیقاته مانع قانونی تشکیل ایدن بوجهت مهمه نظر دفته آلمکسزین مظلون

مرقومك حرركات مثبتہ سندن صارقندیلق فعلنك سبب شدت عدلیه اون كوندن اول آثاری زائل اولدیغی تقدیرده امر تدقیق مشتیكه مزبورہ جانبندن ادعای شخص اقامه سنه متوقف بولان ضرب ماده سندن طولانی ماده مذکورہ حکمنه توفیقاً محکومیتی جهتہ کیدلمسی تبلیغنامه ده دخی کوسترلدیگی اوزره یولسز و مستلزم نقض احوال دن بولنش ایدو کندن اصول محاکمات جزائیہ قانوننك اوچوز اون دردنجی و اوچوز اون طقوزنجی ماده لری موجبجه اعلام استینافینك سبب مذکورہ بناءً تقضیه احکام قانونیه دائره سندن ایفای معامله اولنق اوزره اوراق متعلقه سنك محکمه مذکوریه اعاده سنه و ایکی یوز غروش اعلام خرجنك تعرفه و تعلیمات مخصوصه سنه توفیقاً ایلروده حقسز چیقه جق طرفدن استیفاسنه ۱ حزیران ۳۲۹ تاریخنده متفقاً قرار ویرلدی .

محکمہ تمیز استرعا دائره سندرہ صادر اولاره ۲۳ تموز سنه ۳۲۹ تاریخلی و ۹۳۸ نومرولی اعلام صور تیرر :

« اورمان تخریبانه متداثر افعال جرمیه نك اجرای تدقیقاتی نظامنامه مخصوصه تابعدر »

قره سی سنجاغی بدایت محکمه سی جزا دائره سندن تنظیم واعطا قلنان ۵ نیسان ۳۲۹ تاریخ واللی اوچ نومرولی اعلامك تمیزاً تدقیقی مستدعی لواء مذکور اورمان اداره سی جانبندن معطی استدعنامه ایله اوراق متفرعه سی باش مدعی عمومیک مأموریت علیه سندن باتبلیغنامه محکمه تمیز استدعا دائره سنه تودیع بولنش ولدی التدقیق مذکور استدعنامه نك مدت قانونیه سی ظرفده ویرلدیگی اکلاشلشمش ایدو کندن بالقبول تدقیقات تمیزیه اجرا سنه ابتدار اولندی .

اعلام مذکورك خلاصه مالی میری اورمانسندن بلارخصت اشجار قطع ایتدیگی ادعا قلنان مادرلی اوغلی عثمانك جزای نقدی ایله محکومیتنه دائر غیاباً صادر اولان حکم علیهنده مظنون مرقوم طرفندن اعطا قلنان اعتراض علی الحکم استدعنامه سی اوزرینه دعواده مرور زمان اولسی حسیله تعقیب دعوایه محل اولدیغندن بخله مظنون مرقومك برائی حقنده بدایه لاحق اولان حکم علیهنده اورمان اداره سی جانبندن اقامه اولنان استیناف دعواسنك سبق ایدن محاکمه و تدقیقاتی نتیجه سنده مظنون عثمانك غیاباً جزای نقدی ایله محکومیتنه دائر ۱۱ ایلول ۳۲۷ تاریخنده صادر اولان حکم غیابینك ۱۸ کانون اول ۳۲۸ تاریخنده مرقومه تبلیغ ایدلمسنه نظراً حکم غیابی مذکورك اوچ ماه مرور ندنصکره تبلیغ ایدلیدیگی اکلاشلشمسنه مبنی دعواده بعدالحکم مرور زمان وقوع بولدیغندن بخله موافق اصول وقانون اولان اعلام ابتدائینك تصدیقه قرار ویرلدیکنی متضمندر .

تمیز استدعنامه سنده دعوای واقعه جزای نقدی طلبنی حاوی و حقوق عمومیه دن معدود بولمسنه بناءً مرور زمان مدتنك اصول محاکمات جزائیہ وقوانین عمومیه یه تابع اوله جنی اشکار ایکن بوجه محرر قرار

ویرلش اولسنك مغایرت قانونیه سندن بخله اعلام استینافینك نقض استدعا بولنش و تبلیغنامه ده دخی دعوای مبحوث عناده مرور زمان موجود اولدیغنه دائر درمیان اولنان اعتراض اعلام میز به مندرجاتنه نظراً وارد ایدوکی بیانیله مذکور اعلامك نقض لزومی کوسترلشددر .

ایجابی لدی المذاکره اورمان تخریبانه متفرغ افعال جرمیه نك اجرای تدقیقاتی نظامنامه مخصوصه سنه تابع اولسی اعتباریه اصول محاکمات جزائیہ قانوننك جنبه موادینه متداثر اولان مرور زمان حقنده کی حکمنك بو مسئله ده جاری اولدیغی جهتله تمیز استدعنامه سنده بصورتك عکسیتی متضمن اولق اوزره درمیان اولنان اعتراضات غیر وارد اولوب انحق میری اورمانسندن بلارخصت اشجار قطع ایتدیگی ادعا اولنان عثمانك درجه اولی محکمه سنجه اجرا قلنان محاکمه سی نتیجه سنده ایشده مرور زمان وقوعی تبیین ایتدیگی تقدیرده دعوای واقعه نك بوقفه دن سقوطنه قرار ویرلک لازم کلورکن دعوای مذکورده مرور زمان وقوعی بیان اولمغله برابر مظنونك برائته قرار ویرلک صورتلریله برطرفدن محکمه نك مرور زمان طولانیسیله استماع دعوایه مأذون اولمادیغنك تصدیق و دیگر طرفدن دعوانك اساسنه کیریشیلرک حکمه ربط و توثیق اولنسی کی یکدیگریله ناقابل تألیف اوله جق اسباب موجبیه مستند اولان سالف الذکر قرار ابتدائینك عدالاستیناف بوندن طولانی فسخی و صور محرره دائره سنده اصلاحی لزومه قارشو تصدیق اولنسی یولسز و مغایر اصول وقانون بولنش ایدو کندن اصول محاکمات جزائیہ قانوننك اوچوز اون دردنجی و اوچوز اون طقوزنجی ماده لری موجبجه اعلام استینافینك سبب مذکورہ بناءً تقضیه احکام قانونیه دائره سندن ایفای معامله اولنق اوزره اوراق متعلقه سنك محکمه مذکوریه اعاده سنه و ایکی غروش اعلام خرجنك تعرفه و تعلیمات مخصوصه سنه توفیقاً ایلروده حقسز چیقه جق طرفدن استیفاسنه ۲ حزیران ۳۲۹ تاریخنده متفقاً قرار ویرلدی .

انجمن عدلیه مقرانی

انجمن عدلیه ده صادر اولاره ۲۱ اغستوس سنه ۳۳۰ تاریخلی و ۹۳ نومرولی انجمن عدلیه قرار تیرر :

« معاملات جزیه یه دائر »

تأجیل دیون قانوننك کیفیت شمولنده حاصل اولان تردده بناءً بعض موادك حلی لزومه دائر امور

حقوقه مدیریت بهینه شدن بالتقدیم النجمن عاجزانه حواله بیورلین ۲۰ اگستوس ۳۳۰ تاریخلی مذکوره می
مطالعه اولدی .
بادی تردد اولدینی کوستریلان مواددن برنجیسی تأجیل دیون قانونسک دیون محکومهیه شامل اولوب
اولدینی، ایکنجیسی دوائر اجراییه وزنه لرنده موجود نقودک اصحابنه تماماً اعطا اولوب اولنمایه جنی خصوصلر بدرکه
مدیریت مومی الیهاخده در میان اولدینی وجهله قانون مذکوره « بالجملة دیون وتمهدهات » یولنده عمومی
بر تعمیر استعمال ایدلسنه نظراً تأجیل دیونک دیون محکومهیه شمولی بولندینی ودوائر اجراییه جه اولجه
مدیونلردن تحصیل ایله محکوم لهره اعطا اولنقی اوزره امانه مخفوظ اولان مبالغه قانون مزبورک تعلق
وشمولی اوله میه جفندن بونلرک مراجعت وقوعنده داینلره اعطاسی لازم کله چکی درکار بولنشدر .
اوجنچی ودر دنجی ماده لری تشکیل ایدن معاملات حمزیه به کنگجه تأجیل دیون امرنده قانون وضعندن مقصد
بالتیجه معاملات اجراییه نک وقت مناسبه تعلیق وتأخیرندن عبارت اولمغه مدت معینه ظرفنده هیچ بر
معامله اجراییه تشبث ایدلمه چکی جهتله معاملات اجراییه دن معدود اولان وضع حمزک جائز اولامیه جنی
وفقط اولجه وضع ایدلمش بر حمز وارایسه انک دخی فکی ایجاب ایتیبوب علی حاله ابقاسی اقتضا ایده چکی
وشوقدر که نفقه ایتم ایله تأجیل دیون مدتک تمیدینه دائر اخیراً نشر اولنان قانونده کوستریلن بعض مواد
مستثنا اولوب بونلر حقنده معاملات اجراییه دوام ضروری بولنش اولدینی تذکر قلندی اولباید

تاریخیه

قسط غیر منتهی

استاد محترم سماحتلو علی حیدر افندی حضر تلرینه

استاد محترم

جريدة عدليه نك ۲۰ نيسان و ۵ مایس ۳۳۰ تاریخلی نسخهلرنده مندرج اولوب اخیراً مطالعه كنذار
عاجزی اولان « الإفصاح فی مسائل عدم الانفساخ » نام اثر لرنده ایجار عقار نظامنامه سنك اون یدنجی ماده سنه
اخیراً تذیل بیوریلان ۱ شباط ۳۳۹ تاریخلی فقره نظامیه ایله دولت علیه جه مذهب خنیفك غیری اولان
أمة ثلثة نك مذهبلری اوزره عاقدین ویا احد عاقدینك وفاتیهل اجاره نك عدم انفساخی رأی قبول ایدلمش
اولدینی بیان بیورلد قدنصكره موجرك وفاتی حالنده کی احكامك بیانی صره سنده عقار مأجور ملك اولوبوده
اراضی امیریه ویا موقوفه دن اولدینی صورتده موجرك وفاتندن اعتباراً ترا كم ایدن بدل ایجارك ورته بیننده
صورت تقسیمنده ایکی درلو ملاحظه وارد اولوب بونلردن برنجیسی بدل مذکورك صورت انتقاله یعنی عقار
مذکور متوفانك مثلاً بر اوغلی ایله بر قزینه متساویاً انتقال ایده چكندن بدل مذکور كده حصه لرینه كوره
بیلرنده مناصفه تقسیمی ایکنجیسی ده بدل مذکورك اموال صرفه دن عدلیه علم فرائض وجهله ثلث وثلثان
اوله رق تقسیمی ملاحظه سندن عبارت اولدینی ومستأجر ك وفاتی حالنده کی احكام صره سنده ده اولاً وارثك
واحد ومتعدد اولسی صورتلری بعد التفریق وارث واحد اولور ایسه بقیه مدت اجارده استیفای منفعت
دوام ایده چکی ومستأجر بدل ایجاری ویرماتش ایسه بو وارث بدل مذکور کوری تأدیه به مجبور بولندینی ومتوفی
مستأجر ك بدل ایجاری تأدیه به کافی مالی وارسه بدل مذکور تر كدن تسویه اوله جفی واکر مالی یوقسه وارثك
انتفاعی غصب طریقیله اولیوب بقیه منافع مالک اولمق اعتباریله اولدیغندن عند الشافعی منافع مضموندر
قاعده سنه توفیق مسئله ایله وارث مرقومك بدل مذکور کوری کندی مالندن تأدیه سی لازمکلی نظریه سی طوغری
اوله میوب اجرتك ذمت مستأجره ترتبی عقد اجاره نتیجه سی وعاهد ایسه متوفی مستأجر اولمق اعتباریله
بدل مذکورینه وارثك مالندن استیفا اولنه میوب مورث متوفانك تر كسندن استیفا اولنه جنی وارد خاطر لری
اولمقده ایسه ده بو مسئله نك بقای اجاره یه قائل اولان أمة ثلثة نك مذهبلری اوزرینه مؤلف کتب فقهیه به
مراجعتله حلی لازمکله چکی وذات فاضلانلرنجه کتب مذکورده بوکا دائر تفصیلاته دسترین اولنه مدینی

و وارث مرقوم استیفای منفعتن استنکافه فسخ اجاره به قیام ایتسه موجر و یا وارثی راضی اولمده اجاره منفسخ اولمیه جنی کبی وارث عاند اولمیدنی و مأجوری تخلیه و سدایتدیکی صورتمه منفعتی مستوفی دخی اولمیدنندن بدل ایجار وارثک مالندن لازمکلمیوب ترکه دن لازمکله جکی و حالبوکه متوفانک ترکه سی بولنماسنه کوره ترکه دن استیفای حقه ممکن اولمیه جنی جهته بو تقدیره کوره موجره بیوک بر ضرر ترتب ایده بیله جکی بیانیه بو ضررک ازاله سنه ارباب حقوق نه چاره بوله بیله جکی سؤال بیورلمش اولدینی کبی وارثک متعدد اولمسی حاله کیکلیدیکنده ده بونلر کده منفعت مأجوردن کنیدیلرینه اصابت ایدن حصه اریه لری نسبتنده مأجورله انتفاعه مالک اوله جقلری کبی بو نسبت دائره سنده بدل ایجاری متوفانک ترکه سنندن تأدیه ایده جقلری و بونلردن بعضیسی استیفای منفعتن استنکاف ایتسه و یا بعضلری انتفاعده دوامله دیگرلری انتفاعدن منع ایلسلر بدل ایجار ترکه دن لازمکلوب بو صورتمه منع ایدیلان وارثلر منافعدن حصه لرینی دیگرلرینه تضمین ایتدیره جقلری افاده بیورلدن قدنصرکه اشبو ملاحظات نقل فقهی به مستند اولمیوب مطالعات ذاتیه دن عبارت اولمغه صواب اولدینی تسلیم اولمیه جندن مذاهب ثلثیه منسوب کتب فقهیه دن نقل صریح بولمق لازم کله جکی بیانیه سؤال مذ کوره قارشو ویریه جک جوابکده نقل صریحه مستند اولمده شایان قبول اولمیه جغه تلمیح بیورلمش اولدینی کوردم بناء علی ذلک فقیرده مباحث مذ کوره به مراق ایده رک بر قاچ کتبخانه به مراجعتله اله ایده بیلدیکم بعض کتب فقهیه شافیه ده بوباید تدقیقانه بولندم نتیجه تبعاتمه بقای اجاره دن طولای موجره ترتب ایده بیله جکندن بختله ازاله سی سؤال بیوریلان ضرر عظیمک ترتبه متعلق اصلا بر صراحت تصادف ایده به مدیکی کبی اتیایضاح وتفصیل اولنه جنی اوزره امام شافعی حضرتلرینک احکام اجاره حقنده کی اجتهادلرینه نظراً مجرد عدم انفساخ اجاره دن ناشی موجره اویله بر ضرر ترتبی احتمالیده موجود اولماقده بالطبع او بولده نقل صریح آرامق بر امر زائد اولدینی آکلاشلمش و اجتهاد مذ کورک اساسلرینی تشکیل ایدن احکام وقواعد اله آندینی حاله بر وجه محرر مطالعات فاضلانله رنده تردد بیوریلان دیگر جهتلر کده نقل صریح آرامغه حاجت مس ایتمکسزین ترکه به متعلق بعض احکام عمومیه دائره سننده بتمامها و علی وجه الصحة حلی امکانیده تظاهراشمش اولدینندن ارتق جهت مذ کوره به دائره نقل صریح ارامقدن صرف نظرله مسئله نک اساسندن عرض و ایضاحنه مجامعت ایدیورم .

شویله که کتب فقهیه شافیه ده مذ کور اولان احکام صریحه دن بشقه فقهای حنیفه دن صاحب کفایه نک کتاب اجاره ده موضحاً بیانیه کوره عند الشافعی شرعاً انعقاد و لزومی ایله حکم ایتدیکی عقد اجاره ده لاجل الانعقاد بر محل اقتضا ایدن عقدی تصحیح ضرورتندن ناشی اساساً مورد عقد اولوب حقیقته معدوم اولان منافع ابتداء حین عقدده موجود محلول حکمی ویرلمکله عقد مذ کور عین موجودک بیعی منزله سننده اولوب بیع مطلق کبی متعلقنده فی الحال ملکیت افاده ایده جکی جهته امام مشار الیه کوره عقد مذ کور عاقدین و یا احد عاقدین وفاتیه باطل اولمیه جنی کبی ولو اجاره مؤجل اولسه دخی موجرک نفس عقدله

تملك ایتدیکی اجرتک و مستأجر کده مالک اولدینی منفعتک ترکه لری مدیون اولمادینی تقدیرده وارثلرینه انتقال ایتسنه بر مانع قالماش اولور بناء علی هذا عدم انفساخ اجاره بختنده مذهب شافعی به توفیق مسئله ایدیه جک اولدینی حاله اوله موجرک وفاتی حالنده عقار مأجور اراضی امیریه و یا موقوفه دن اولسه دخی بقیه مدته عائد بدل ایجارک ملکیت و توارث خصوصنده موجرک وفاتندن اول ذمت مستأجرده قالان بدل ایجاردن بر کونا فرقی اولمیه جنی جهته بقیه مدته عائد بدلک دخی شرط تعجیل و یا تأجیله کوره واجب التأدیه حالی اکتساب ایتدیکنده ورثه طرفندن بالتحصیل هر حاله علم فرائض وجهله تقسیمی لازمکله جکی کبی مستأجرک وفاتی حالنده هنوز استهلاك ایدلماش دیمک اولان بقیه منافعکده عند الشافعی اموال سائر کبی ترکه دن عدی لازمکله جکی و منافع مذ کورده نک ترکه دن عدی حالنده ایسه زیرده تفصیل اولنه جنی اوزره بونک هر حاله بقیه مدته عائد بدل ایجاره تقابل ایده بیله جکی جهته ایضاحات علیه لرینک بقای اجاره دن ناشی ترتبی احتماله وجود ویریلان ضرر عظیمک ترتبی امکانی قالماش اوله جنی کبی شو حاله ورثه نک استیفای منفعته دواملری ده ترکه به وضع یدله حکماً آنی استهلاك دیمک اوله جنی و ورثه نک بو صورته طوغریدن طوغری به ترکه به وضع یدله آنی استعمال و تصرف ایده بیلملری ایسه معلوم عالی فضیلتناهیملری اولدینی اوزره ترکه نک مدیون اولما سیله مشروط اولوب ترکه مدیون اولدینی صورتمه ورثه نک واحد اولسون متعدد اولسون قضاء دیندن اول بلاقید و شرط ترکه ده تصرفه حقلری اولمیه جنی و علی الخصوص مستأجرک مفلساً وفاتی وقوعیه عند الشافعی موجره ده خیار فسخ ثابت اوله جنی جهته مستأجرک وفاتی حالنده کی مسائلکده ترکه حقنده کی احکامه توفیقاً بتمامها و علی وجه الصحة حل و ایضاح ایدیه بیلمسی ایچون اول امرده مستأجر متوفانک کرک بدل ایجاردن و کرکسه جهات سائرده دن دینی اولوب اولمادینک و اولدینی صورتمه دینک ترکه کی احاطه ایدوب ایتدیکنک تقریقی ایجاب ایدر چونکه :

مستغنی عرض و ایضاح اولدینی اوزره ترکه نک مدیون اولمسی حالنده بالاجتماع دین ارثه مقدم اولوب حتی دین مؤجل دخی بعد الوفات دین معجل حالی اکتساب ایده جکنه و قبل قضاء الدیون متوفانک اولوب دیننه قارشو مرهون حکمنده بولنسنه مبنی ترکه به عدم رجوع شرطیه دین بالایفا ترکه تخلیص و یا ترکه دن دین مقداری طرح و تفریق اولمده جقه ترکه اوزرنده تصرف نافذ اوله ماز . (مابعدی وار)

یانه مرکز بدایت محکمه سی حقوق رئیس

ع. زهیری

اسويچره قانوننامه مدني

— کچن نسخه دن مابعد —

دردنجي کتاب

حقوق اعيان (۱)

Droits réels.

برنجي قسم

Propriété.

اون سکرنجي باب

اعظام عمریه

Dispositions générales.

۱: حق ملکيتک
عناصری .
۶۴۱ ماده : بر شيك مالکي اوشي قانون داررسنده کیف مایشا تصرف ایده بيلير .
(م : ۲ : ۶۸۰ : والح : ۰) .

واوشي بغيرحق ينده بولان کسه دن استرداد (۲) و هر نوع تجاوزات و اعتصابانی (۳)
دفع ایده بيلير . (م : ۹۲۶ : والح : ۰) .

۲: حق ملکيتک
دايره وسعتی .
۶۴۲ ماده : بر شيك مالکي آنک اجزای متممه سندن اولان هر شينه مالکدر . (م : ۷۰۴ :
۷۵۶ : ۲ : ۸۰۵ :) .

(۱) نوط - اسويچره قانون مدني سندن حقوق اعيان دأر اصولي هپ ۹۴۲ و الح . ماده لريله باب اخبرده
مندرج اولان سجل اراضی اوزريه مستنددر . بالخاصه حقوق اعيان دن هپج بری مذکور سجله قيد اولنقميزين
اخبره نقل و فراغ اولنه ماز . (م : ۶۵۶ : ۱ : ۷۳۱ : ۱ : ۷۴۶ : ۱ : ۷۸۳ : ۱ : ۷۸۶ :
۷۸۹ : ۱ : ۸۰۱ :) . وارث و اجرای جبری و ساثره کبی بشقه بر سبيله اکتساب ايديلن حقوق اعيان
بروجه مشروح شرائط لازمه ایفا اولنمديقه هپج بر حکم افاده ايتر . (م : ۶۵۶ : ۲ :) . معافيه ۶۸۰ :
۶۹۶ : ۸۰۸ : ۳ : ۸۱۰ : ۲ : ۸۱۹ : ۸۲۹ : والح :) . ماده لره دخی مراجعت اولنق لازمدر .

Revendication. Revendiquer. (۲)

Usurpation. (۳)

۳: ائمار طبعیه . (۱)
۶۴۳ ماده : بر شيك مالکي آنک ائمار طبعیه سنه دخی مالک اولور . (م : ۷۵۶ :) .
بوائمار متتابع الورود ظهوره کلن محصولات (۲) ايله بر شينه مخصوص اولوب اندن صکره

اقتطاف اولنمغه عاداتک مساعده ايتديکی شيلردر .
ائمار طبعیه اوشيدن آيريلنجيه قدر اجزای متممه سنی (۳) تشکیل ايدر . (م : ۹۴۲ :
۷۵۷ : ۷۶۸ : ۲ : و ۷۶۹ : ۳ : و ۷۷۱ : ايله مق :) .

(۱) مشتملات (۵)
و تعریفی .
۶۴۴ ماده : بر شيك اصلي (۴) حقنده ايديلن هر تصرفات ، اگر خلافنده بر قيد محافظه
اولنماش ايسه ، آنک مشتملات سنده شاملدر . (م : ۸۰۵ : ۸۰۸ :) .

عادت محليه و عقارک مالکي طرفندن وانحاً بيان اولنان عقده نظراً دائمی صورتله او
عقارک اعمال و انتفاعنه و يا محافظه سنه تخصیص اولنش اولان يا خود مذکور عقار استعمالی
ايچون آکا ضم ايدلمش و طاقلمش و يا ربط اولنش بولنان اشيای منقوله عقارک مشتملاتندن
معدوددر . (م : ۹۴۶ : ۵ : ۲ :) .

مشتملات مذکوره اشيای اصلیه دن موقتاً انفصال و انفکاک ايتسييله وصفلرينی اضاعه ايتمزلر .
۶۴۵ ماده : اشيای اصلیه دن معدود اولان برشي ينده بولنان برکسه نک استعمالنه مخصوص
اولان فقط اوشيك ماهيت مخصوصه سندن خارج بولنان و محافظه سنک و بيعک و يا اجاره نک
ختامنده توديع اولنق ايچون اوشي اصلیده بولنش اولان اشيای منقوله ده مشتملات و فروعات
وصفی يوقدر . (م : ۶۴۴ :) .

(۳) ملکيت مشترکه .
۶۴۶ ماده : ماده قابل قسمت اوليان بر شينه متعدد کسه لرنک حصه شايه سی بولندقد
بولنر او شيك مشترکاً مالکيدر . (م : ۶۷۰ : ۷۰۸ : ۷۲۷ : ۸۰۰ : ۱ :) .
حصه لری مساوی عد اولنور .

مشارکدن هر بری کندی حصه سنده بر مالکک حقوقی حائز و تکاليفيله مکلفدر و کندی
حصه سنی آخره نقل و تمليك و يا ترهين ایده بيلديکی کبی آنی دايملری دخی حجز ایده بيلير .

(۴) امودارده (۶) .
۶۴۷ ماده : خلافنده شرط بولنديقی تقديرده ، مشارک مال مشترکی مجتمعا اداره ايدرلر .
اگر مشارک لرنک اکثریتی بشقه کونا بر صورت قرارلشدیر مامش ايسه ، هر بری عقار مشترک نک
محافظه سی ايچون تعميرات ، زراعت و عمليات کبی امور جاریه یی اداره و اجرا ایده بيلير .

(۱) Fruits naturels.

(۲) Fruits périodiques.

(۳) Partie integrante de la chose.

(۴) Chose principale.

(۵) Accessoires.

(۶) Actes d'administration.

(۵۰) امور تصرفیه (۱) : تبديل زراعت و تعميرات جسيمه کي امور مهمه ايجون حصه دارانك جمله سنك نصفندن زياده حصه يه مالك اولان مشاركونك اكثريت آراسيله اتخاذ اولنه بيلير .

۶۴۸ ماده : هر مشارك منافع مشتركه لرينه نظارت ايدر . سائر مشاركونك حقوقيله قابل توفيق اولور دأترده مال مشتركدن انتفاع ايدر .

اگر شركا ميانه لرنده بالاتفاق بشقه قواعد شرط ايتمه مشارايسه ، نقلیات و تمليكات ، و حقوق مجردة اعيان تشكيلي و مال مشترك طرز تصرف و انتفاعك تبديلي ايجون جمله شركانك انضمام رأي لازمدر . (م : ۶۸۲) .

۶۴۹ ماده : خلافتنده شرط موجود اولمديني حالده اداره مصارفی و ويركو و مال مشتركی اشغال ایدن سائر كفتلری شركانك جمله سنی حصه لرينه كوره تحمل ايدر . (م : ۶۴۶) . اگر شركادن بری حصه سندن زياده دين تأديه ايدر ايسه شركای سائر يه حصه لرينه كوره رجوع ايدر .

۶۵۰ ماده : اگر شركا طرفندن باوثيقه رسميه شيوع حالده قالمق مجبوري درعهده اولنماش و يا خود عقارك اوزون برمدت دوام ايدجك برايشه تخصيص ايدله مشايسه شركادن هر بری مال مشترك تقسيمی طلب ايدله بيلير . باوثيقه رسميه تقسيم ايدله مسی حقنده کی مقاوله اون سنه مدتی تجاوز ايدله من . مناسبتر برزمانده تقسيمه تشبث اولنه ماز .

۶۵۱ ماده : شركت ملك ، تقسيم و ثمنی بعده ميانه لرنده توزيع اولنه رق رضاء و يا مزايده فروخت اولنمسيه يا خود شركادن برينك و يا برقاچنك ديكر لرينك حصه لرینی اكتساب ايتمسيه ختام اولور .

اگر شركا صورت تقسيمده اتفاق ايدله من ايسه ، حاكم عیناً تقسيمی امر ايدر ، و مالك قيمته مهمجه بر تناقص كلدجكه تقسيمی قابل دكلسه ، حاكم كرك مزائده عليه ايله و كرك بين الشركا صائلسه قرار ويرد .

عیناً تقسيمی حالنده حصه لرك مساواتسزلی بر مقدار بدل (۴) ، قولقله تقابل ايتديريله بيلير . ۶۵۲ ماده : بحكم القانون و يا بموجب مقاوله متعدد مالکی بولنان برشيئده هر بر شريك اوشينك ائماننده حق واردر . (م : ۲۱۵ ؛ ۲۱۷ ؛ ۲۲۹ ؛ ۳۳۶ ؛ ۶۰۲) .

- (۱) Actes de disposition.
(۲) Contribution aux frais et charges.
(۳) Fin de la copropriété.
(۴) Soutles.

۶۵۳ ماده : شريكرك حقوق و وظائفنده قانونی و يا رضائی شركت ملك قواعديله معامله اولنور . (م : ۶۵۲ ؛ ۲۱۵ ؛ ۲۱۷ ؛ ۳۴۱ ؛ د : ۵۵۲ ؛ ۵۵۳) .

بشقه قواعد مشروط دكل ايسه ، شركا حقوقی استعمالده خصوصيله اموالك آخره نقل و تصرفنده متفق الرأي اولق لازمدر . (م : ۸۰۰ ، ۲) .

شركت ملك ، دوام ايتديكي مدتجه اموال مشتركه تقسيم و بر حصه شايه سنی آخره نقل و تمليك اولنه ماز . (م : ۶۴۶ ؛ ۶۵۰) .

۶۵۴ ماده : شركت ملك ، امواللك آخره نقل و تمليك اولنسي يا خود شركت ملكك ختام بولسي ايله ساقط اولور .

خلافتنده شرط موجود دكل ايسه ، امر قسمت اموال مشتركه خصوصنده اولديني وجهه اجرا اولنور . (م : ۶۵۱) .

اون طقوزنجی باب

ملکیت اراضی

Propriété foncière.

برنجی فصل

ملکیت اراضینک موضوعی ، اکتساب واضاعه سنی

Objet, acquisition et perte de la propriété foncière.

۶۵۵ ماده : ملکیت اراضیه صالح اولان شیلر اموال غیر منقوله در . اشبو قانونك مفهومته زیرده محرر شیلر اموال غیر منقوله دندر :

(۱) فی الاصل اراضی ؛ (۱)

(۲) سجل اراضیده مقید اوله رق آری ودائی صورتده اراضیه مربوط و متصل

اولان حقوق ؛ (۲)

(۱) Biens - fonds . — نوط — اشبو حقوق ، زمینك فوقانیسنه تصرف حق (م : ۷۷۹) ؛ (droit de superficie)

بشقه سنك صو منبعنده بولنان حق (droit à une source sur fonds d'autrui) ايله ، مياه عمومیه ده کی امتیازاتدن (Concessions hydrauliques sur des eaux publiques) عبارتدر .

(۲) Droits distincts et permanents immatriculés au registre foncier

(٣) معادين . (م : ٩٤٣ .)

٢: اکتساب ملکیت
اراضی .
(١) تسجیل .
ایدار . (م : ٩٤٢ . واخل .)

مع مافیه هر کیم احراز وارث و استملاک و اجرای جبری و یا بر اعلام حکمی ایله بر غیر منقولی اکتساب ایدرایسه، اکا مالک اولور. فقط سجل اراضیده تسجیل اولمقدجه نقل و تملیک طریقله آتی تصرف ایدمهز . (م : ٦٥٨ ؛ ٦٨٠ ؛ ٦٦٦ ؛ ٢ ؛ ٦٦٥ ؛ ١ ؛ م . خ . ٥٨ ؛ ١٣٦ ؛ م : ١٧٧ ؛ ١ ؛ ١٨١ ؛ ٩٨٨ ؛ واخل .)

٢) اسباب کسب
اراضی . (١)
(١) ملکیتی ناقص
امور . (٢)
٦٥٧ ماده : بر ملکک نقل و تملیکنه دائر یا بیلان عقود صورت رسمیهده تنظیم اولمقدجه صحیح و معتبر اولماز . (م . خ : ٥٥ .)

وفات سببیه واقع اولان تصرفات و تبرعانه و وصیته دائر عقد ایدیلن مقاولات اشکال مخصوصه یه تابعدر .

(٢) احراز . (٣)
٦٥٨ ماده : سجل اراضیده مقید اولان بر عقار، سچلده کی قیدده صاحبسز اولدینی ذکر ایدیش اولمقدجه، احراز طریقله اکتساب و تمک اولمه ماز . (م : ٦٦٤ ؛ ٩٤٣ ؛ ٩٤٤ .)

مقید اولمیان اراضی پارچه لرینک صورت احرازی صاحبسز شیئر حقهده مرعی اولان قواعد تابعدر . (م : ٦٦٤ .)

٦٥٩ ماده : صاحبسز حوالیده صولرک چکلمسندن میدانه چیقان بعض یرلر (٥) و تسویه سیچون ترابله املا اولنمق صورتیه طولمه سی (٦) و ترابک قوپوب سورو (٧) کلنمسی ومیاه عمومیه نک جریاننک و یوکسکلغنک و وضعیتنک تبدیلیله و صور سائر ایله تشکل ایدوب انتفاعه صالح اولان اراضی، هانکی ایالت داخلنده بولنش ایسه او ایالته عائد اولور. (م : ٦٦٤ .)

قوانین ایالات، بویرلری جوار اراضی صاحبلرینه تفویض ایدمه بیلیر . هر کیم کندی اراضینک پارچه لرندن آیرلش اولدینی اثبات ایدر ایسه، اویرلری مناسب برمدت ظرفنده اویرلری اخذ واسترداد ایدمه بیلیر .

٦٦٠ ماده : اراضیدن پارچه قوپارق سورو کلنمسی او اراضینک حدودینه تبدیلات و تعدیلات کنیرمز . (م : ٦٦٨ .)

- (١) Modes d'acquisition de la propriété foncière.
(٢) Actes translatifs de la propriété foncière.
(٣) Occupation.
(٤) Formation de nouvelles terres.
(٥) Alluvion.
(٦) Remblais.
(٧) Glissement de terrain.

١: عادی مرور زمان .
٢: عادی مرور زمان .
بومثللو برینک عقارندن بشقه سنک عقارینه بویولده نقل اولنان یرده واشیای سائرده مغروق (١) شیئرک (١) قورتارلمسی و صولرک چکلمسندن حاصل اولان التصاقات (٢) حقهده مرعی اولان قواعد جاریدر . (م : ٧٢٥ ؛ ٧٢٧ .)

٦٦١ ماده : هر عقارکه بلا سبب قانونی مالکی دیه سجل اراضیده بر کیمسه نک نامنه مسجل بولنش و او کسه طرفندن اون سنه حسن نیتله بلا فاصله و بلا مانع و مزاحم تصرف ایدلش اولور ایسه، آرتق او کسه نک مذکور عقار حقهده کی حقوقی تحت منازعه یه قونیه ماز . (م : ١٢٣ و ٢ ؛ ٧٢٨ ؛ ٩٧٤ .)

٢: فوق العاده مرور زمان .
٦٦٢ ماده : هر کیم اوتوز سنه بلا فاصله و بلا مانع و مزاحم سجل اراضیده غیر مقید اولان بر عقاری تمک و تصرف ایدر ایسه، او کسه مذکور عقارک مالکی صفتیه تسجیل اولنمسی طلب ایدمه بیلیر . سجل اراضیده مالکی کوسترله مش یا خود مالکی اوتوز سنه نک ابتداسنده وفات ایتمش و یا غیوبتی حکم و اعلام اولنش اولان بر عقار حقهده کذلک شرائط مشروحه دائره سنده ذی الید حقنی استعمال ایدمه بیلیر . (م : ٣٥ ؛ واخل .)

شوقدرکه بوحقنی آنجق حاکم امری اوزرینه واکر اخطار رسمی ایله تعیین اولنان مهلت ظرفنده هیچ بر اعتراض و قوعوبولماش یا خود اعتراض واقوعوبولوبده رد اولنش ایسه استعمال ایدمه بیلیر .

٢: مدتله .
٦٦٣ ماده : مدتله حساب اولنمسنه وانقطاع و توقف (٣) ایتسنه دائر مطلوباتک مرور زماننده مرعی اولان قواعد بویخنده دخی جاریدر .

٤: صاحبسز شیئر
٤: عمومیه مائد
٥: اموال .
٦٦٤ ماده : صاحبسز شیئر و عمومیه عائد اموال منسوب اولدینی قطعه نک حوضه سی داخلنده بولنان ضابطه حکومتک نظارتیه تابعدر .

خلافی اثبات اولمقدجه، میاه عمومیه وزراعتیه غیر صالح حوالیر (٦) و قیالر (٧) و طاع ییقتدیلری (٨) و طاغلرک نواحی مرتفعه سنده بولان کتله لر (٩) و بوزلق و قارلقلر (١٠) صو منبعلری املاک خصوصیه دن معدود دکدر . (م : ٩٤٤ .)

(١) Épaves.

(٢) Accession.

(٣) Interruption suspension, de la prescriptions.

(٤) Choses sans maître.

(٥) Choses du domaine public.

(٦) Régions.

(٧) Rochers.

(٨) L'blouis.

(٩) Névés.

(١٠) Glaciers.

ایالات قوانینی صاحبسز شیلرک احراز اولنسی و برده سوقاقلر (۱) و میدانلر (۲) و صو
مجرالری (۳) و نهرلرک یتاق مجراسی (۴) کبی املاک عامه نك منفعت مشترکسی ماده لری قوانین
ایالاته تعین اولنور .

۵: تسجیل ایدیر .
مک حق .
۶۶۵ ماده : برجهت تملکی اولان کسه بونک تسجیل ایتدیرلسنی اولکی مالکندن طلب
ایده بیلیر . امتناع وقوعبولدقه ، حق مالکیتک کندیسنه نقل اولنسی حاکمدن طلب ایده بیلیر .
(م : ۶۵۷ و الخ ۹۶۳ ؛ و الخ .) .

ارث و احراز واستملاک و اجرای جبری و اعلام حکمی ایله تملک ایدن کسه یه کندیسیچون
او عقاری تسجیل ایتدیرمکه صلاحیت ویرر .
اموال عائله اصولندن منبعث نقلیات و تملکات سجل مخصوصنه تسجیل اولنقله برابر سجل
اراضیه تسجیلی رأساً اجرا اولنور . (م : ۱۹۹ ؛ ۲۴۸ ؛ ۲۴۹ ؛ ۲۵۱) .

۶: ملکیت اراضیه نك
زائل اولسی .
۶۶۶ ماده : تملک اراضی ، قیدینک ترقین یاخود بسبتون تلف اولنسیله زائل اولور .
منفعت عمومیه ایچون واقع اولان استملاکده تملکک زمان ازاله سنی هیئت مجتمعه نك و یا
ایالاتک قوانینله تعین ایدر .

ایکنجی فصل

ملکیت اراضینک احکامی

Effets de la propriété foncière.

۱: ملکیت اراضینک
دائرة وسیعی .
۱: علی اطلاق .
۶۶۷ ماده : اراضینک ملکیتی ، ارتفاعی و عمقی ایله برابر فوقنده و تحتنده اولان شیلرک
ملکیتیه تضمین ایدر . (م : ۶۶۷) .

ملکیت . تقییدات قانونیه محفوظ قالمق اوزره ، اینیه و مغروضات و نباتات و صومبلرینی دخی
شاملدر . (م : ۶۷۱ و الخ ؛ ۶۷۸ ؛ ۶۸۰ و الخ ؛ ۷۰۴ و الخ ؛ ۷۷۹ و ۸۸۰ ایله مق :) .
۶۶۸ ماده : اراضینک حدودی پیلان ایله اوزرنده موضوع علامتله تعین ایدر . (م :
۱ : حدود تعیینی . ۶۶۰ ؛ ۹۵۰) .

- (۱) Routes.
- (۲) Places.
- (۳) Cours d'eaux.
- (۴) Lits de rivières.

اگر پیلانده کی حدود ایله اراضینک حدودی بیننده مابینت بولنور ایسه اراضینک حدودینک
طوغری اولدینی فرض اولنور .

۲: تعیین حدود
مجبوری . (۲)
۶۶۹ ماده : حدودده مجهولیت بولنور ایسه ، هر صاحب اراضی قوشوشونک طلبی اوزرینه
حدودی تعین و تقریر ایچون پیلانک تصحیحیه و کرک اراضینک اوزرینه علامت وضعیه ایفای
معاونته مجبوردر .

۴: علامت تفریق .
۶۷۰ ماده : اراضینک اوزرنده بولسان دیوارلر و چیتلر و تحته پرده کبی ایکی عقارک
یکدیگرنندن تفریقی علامته خدمت ایدن بولملر ایکی جار ملاصقک ملک مشترکی عد اولنور .
۶۷۱ ماده : برمالک کندی عرصه سنی انشا ایچون بشقه سنک لوازماتی استعمال ایدر
یاخود بر شخص ثالث کندی لوازماتی استعمال ایدر ایسه بولملر عقارک قسم غیر منفکی عد
اولنور . (م : ۶۶۲ ؛ ۶۶۷ ؛ ۷۵۳ ؛ ۹۳۹ ؛ ۹۴۰) .

مع مافیه اگر بولوازمات صاحبنک رضاسی اولمقسزین سوء نیتله استعمال اولنمش ایسه ضرر
فاحش بولنمدینی حالده ، لوازمات صاحبی مصارفاتی انشا ایدنه عائد اولمق اوزره بولنلرک فک
واستردادینی طلب ایده بیلیر .

واگر انشآت اراضی صاحبنک رضاسی اولمقسزین سوء نیتله یا بلش ایسه ، عین قیودله صاحب
اراضی مصارفی انشا ایدنه عائد اولمق اوزره بولنلرک فک اولنسنی طلب ایده بیلیر .

۶: تضمینات .
۶۷۲ ماده : اگر انشآت فک اولنلر ایسه اراضی صاحبی اولوازمات ایچون معتدل بر تضمینات
ادایه مجبوردر .

اگر انشآت اراضی صاحبی طرفندن سوء نیتله اجرا ایدلش ایسه ، ضررک تامنه محکوم اوله بیلیر .
اگر لوازمات صاحبی طرفندن سوء نیتله بوانشآت اجرا اولنمش ایسه ، بولنلرک تضمیناتی اراضی
صاحبی ایچون لوازماتک قیمتک حد اصغرینی تجاوز ایتیه جکدر .

۷: انشآتک اراضی
صاحبنه عائد اولسی .
۶۷۳ ماده : انشآتک قیمتی بالبداهه اراضینک قیمتنی تجاوز ایدر ایسه حسن نیتده بولنان
طرف ملکیتک تمامی تضمینات مقابلنده لوازمات صاحبنه تفویض ایدلسنی طلب ایده بیلیر . (م : ۳ ؛ ۴) .
۶۷۴ ماده : قومشوشونک اراضیسنه تجاوز ایدیلن انشآت و عملیات سائره ، اگر اراضی
صاحبنک برحق مجردی وار ایسه اراضینک قسم غیر منفکی عد اولنور .

بوتجاوزات سجل اراضیده حق مجرد دیه تسجیل اولته بیلیر . (م : ۷۳۰ و الخ .) .
متضرر اولان صاحب اراضی بوتجاوزاتی خبر آلدیغنده وقت زمانیه مخالفت و اعتراض
ایتماش ایسه انشآت و عملیاتی یاپان کسه ، حسن نیتده بولنمش و ایجاب ایدن حال وزمان دخی

- (۱) Limites du terrain.
- (۲) Obligations de borner.

مساعده ايدر ايسه بوتجاوزاتك حق مجرد ناميله يا خود تجاوز ايدلين زمينك معتدل بر بدل
مقابنده كنديسنه تفويض اولمسنى طلب ايد بيلير . (م : ۳ : ۴ : ۶۷۹) .

۹: زمينك قوقنده
اولان حق . (۱)

۶۷۵ ماده : ارضك فوقده ويا زيرنده يا خود دواى بر صورته اكا ضم ايدلمش اولان
انشاءات و عمليات سائرتهك آخر برمالكي اوله بيلير . فقط سجل اراضى به حق مجرد ديه تسجيل
اولمق شرطدر . (۷۷۹ : ۶۶۵ رقم ۲) .

برخانهك متعدد قاتلري آرى آرى تملك اولمغه صالح دكلدر . (م : خ : ۱۷ : ۳ : م : ۲) .

۱: صو و سائر
يولر . (۲)

۶۷۶ ماده : صو و غاز و قوه الكتريه و سائر يولارى ، حتى موضوع اولدينى اراضى
خارجنده اولسه دخى ، خلافتده حكم بولمقده التزامك مشته لاتندن عد و آنك مالكنه عايد
اولدينى فرض اولنور . (م : ۶۹۱) .

بويوللري بايق حق ، جواريت مناسباتى قواعدندن منبعث دكل ايسه بولنر انحق حق مجرد ديه
تأسيس اولنماش اولدينى تقديرده غيرك اراضينى حقوق مجرد ايله اشغال و تقيد ايدر .

اكر بويول جعلى يعنى كورينور دكل ايسه ، كلفت اراضى ديه سجل اراضى به تسجيل اولمقده
ثابت اولور . عكسى حالده يولك ياپلدينى زماندن اعتباراً كلفت اراضى تشكىل ايتش اولور .

۶۷۷ ماده : بشقه سنك عرصه سى اوزرينه قلمه و دكان و باراقه كى (د) مستقر اولمق مقصديله
ياپيلان خفيف انشاءات بوشيلرك صاحبه عايد اولور .

بوانشاءات سجل اراضى به تسجيل اولنماز .

۱۲: نباتات
غرمى . (۳)

۶۷۸ ماده : بر كمسه كنديسنك اراضيسنده بشقه سنك نباتاتى يا خود بشقه سنك عرصه سنده
كندى نباتاتى غرس ايدر ايسه ، علاقه دارانك حقوق و وظائفى طبق بر كمسه طرفندن بشقه سنك
لوازماتيله ياپيلان انشاءاتده كى ويا انشاءات منقوله ده كى حقوق و وظائفى كيدر .

نباتاتده واورمانلرده زمينك فوقائيسى تملك ايتك ممنوعدر .

(مابعدى وار)

سلانك استئناف محكمه سى اعضائى سابقه سندن دعوى و كلى

نظرت مامريانه

- (۱) Droit de superficie.
(۲) Conduites d'eaux.
(۳) Plantations.

(۱) Limites du terrain.
(۲) Obligations de bornes.

اعلان

بدوسا كى يوسفديس افدينك امين او كى صالح محكمه سنده مراجعتله يمش اسكله سنده اخى چلبى محله سنده
زندان قپوسى جاده سنده كائن ۳۵۷ نومرو ايله مرقم عهدۀ تصرفده بولنان برباب دكانى تاريخندن اعتباراً
ايكى سنده مدتله و بر قطعه قونطوراتو موجبجه قسطى مايوغلى افدينى به ايجار ايتش و بوكره مدت ايجار
منقضى اولدينى حالده اليوم تخليه و تسليم ايدلماش اولديغندن مأجور مذ كورك اون بش كونه قدر تخليه
ايدلسى حقنده اخطار نامه تبليغى و تخليه ايتديكى حالده قوه جبريه استعماليله تخليه ايتديرلمسنى طلب ايتش
واوليايده تنظيم قلمسان اخطار نامه خدمه سى معرفتيله كوندرديكى حالده مستأجر مرقومك اوج ماه مقدم
مذ كور دكانى سد ايله نه طرفه كيتديكى مجهول بولندينى و كندوسى عسكردخى اولمدينى اولبايده كى علم و خبر
ظهيرينه شرحه زيرى محله سى مختاريله قومشولرى طرفندن تمهيد و امضا قلمش و مدعى مرقوم كيفيتك
اعلان صورتيله تبليغى طلب ايلمش و مذ كور اخطار نامه محكمه ديوانخانه سنده تعليق ايدلديكى كى بر صورتى
دخى مذ كور دكانه تعليق ايدلمش اولديغندن تاريخ اعلاندن اعتباراً اون بش كون مدت خامندۀ مستأجر
مرقوم مذ كور دكانى تخليه ايتدى و عكسى تقديرده تخليه ايديله چكى معلوم اولمق اوزره اعلان كيفيت اولنور .

قوانین و نظامات

- (۴) اصول محاکمات حقوقیه قانون موقتک { ۴ تشرین اول ۳۳۰ ۶۲۹۵ مواد معدله سنه دائر
- (۵) صالح حاکماری قانونه مذیل ماده قانونیه ۱۱ » » ۶۲۹۵
- (۶) بلغارستانله منعقد تجارت وسیر سفائن { ۶۲۹۹ مقاوله نامه سنی مصدق قانون موقت
- محکمہ تمیز هیئت عمومی مقرراتی — (۱) قتل حقنده ۲۵ حیران » ۶۲۹۹
- (۲) مغدورک صبی بولنسی وصغر جرمی { ۲۱ اغستوس » ۶۳۰۰ تعیین ایدن احوالندر
- (۳) وقوع قتل حقنده تحقیقات ابتدائیه { ۲۱ » » ۶۳۰۱ اجراسندن ذهول ایدلسی موجب نقضدر
- (۴) قتل حقنده ۶ ایلول » ۶۳۰۳
- (۵) ضبطنامه نك اصوله توفیقاً تنظیم اولنماسی { ۶۳۰۵ موجب نقضدر
- محکمہ تمیز حقوق دائرہ سی مقرراتی — (۱) حصہ شایعه نك تقسیمی ۱۷ نیسان » ۶۳۰۶
- (۲) اورمان نظامنه سنك قرق برنجی ماده سنه دائر ۲۹ ایلول » ۶۳۰۸
- (۳) شرکتک مدعی علیه طرفندن اثباتنه دائر ۲۳ کانون اول » ۶۳۱۰
- محکمہ تمیز جزا دائرہ سی مقرراتی — (۱) جبراً فعل شنیع ۲۱ ایلول » ۶۳۱۳
- محکمہ تمیز اسناد عا دائرہ سی مقرراتی — (۱) فاطوره لرك بالاسنده محرر عنوانك { ۱۸ حیران » ۶۳۱۴ بین التجار امضا مقامنده اولدیغنه دائر
- انجمنه عدلیه مقرراتی — (۱) معاملات اجرائیه دائر ۷ ایلول » ۶۳۱۵

قسم غیر رسمی

مقالات

- استاد محترم سماجنلو علی صبر افندی مضمر تلمیذ ۶۳۱۷ یانیه مرکز بدایت محکمہ سی حقوق رئیس ع. زهدی بک افندی طرفندن
- امیر محمد قانوننامہ مدنی ۶۳۱۹ مترجمی سلانیک مکتب حقوق معلمین سابقه سندن و وکلای دعاویدن نظرت حاجریان افندی نك